

**ISAGOGE AD JUS
CANONICUM
SICULUM. AUCTORE
D.RE EMMANUELE
LEONE ..**

Emmanuele Leone



BIBLIOTECA NAZ.

Vittorio Emanuele III

XVI

E

85

NAPOLI



LIBRERIA
DETKEN & ROCHOLL
NAPOLI.

12

ISAGOGE

A D

IUS. CANONICUM SICULUM

AUCTORE:

D.^{no} EMMANUELE LEONE

Olim I. C. Nunc S. T. D. In Sem. Arch. Pan. Antecessore.

T. I.

.....

EXCUDEBAT PANORMI 1819.

Potestatum Permissu) (*Philippus Solli.*

PETRO

S. R. E. PRESBITERO CARDINALI
GRAVINA, ET VALDINA
ARCHIEPISCOPO PANORMITANO

ET
FIDEI DEFENSORI
IN HISPANIARUM REGNIS.

Gratum, Tibi sane, Eminentissime Prin-
ceps, ac jucundum debet esse opus, quod
Tibi primum nuncupari ab auctore, qui mu-
nere tuus est indulgisti. Non quidem ita fo-
re confido, quia magnum et admiratione di-
gnum percensui; scio enim quam exiguum
Tuæque Celsitudini impar sit; sed quia ipso
argumento, in quo versatur, Dignitati qua

fulges, Regno in quo natus, vivisque, et Ecclesiae, cui praes omnino convenit, et acceptum Tibi sit, carumque necesse. Tractat quidem Romanae Sedis in Ecclesiam Siculam jura, quae tueri praecipuum tuum est munus, sicut et opus decusque jamdiu fuit tuum. Nam ob diuturnam in Sedem Apostolicam observantiam insignes ad Helvetios, Hispanos Legationes Pius VI. et Pius VII., asperrimis hisce temporibus Tibi commiserunt. Hoc tam insigni munere tanta dignitate functus es, ut Te honoribus, laudibusque Pontifices, Reges, Populique cumlaverint, Teque Fidei Defensorem junctis praconiis consalutarint. Quapropter non solum Pii VII. erga Te promerita, sed tuae potissimum perspectae virtutes ad Ostri Romani fastigium evexerunt.

Nunc ad Patriam reversum quid te magis oblectare potest quam vetustissimae Insulae Siciliae dignitatis laus, ac debitus honos, sicut Regum nostrorum, in quos tu, tuique intermeratam servastis fidem, et quorum beneficiis te devinctum fateris, privilegiorum expositio. Quoties enim Victores Nortmanni

nominantur, toties eorum quam maxima in Ecclesiam Siculam diu captivam, et in Sedem Apostolicam sepe laborantem revocantur officia quæ contulerunt sicut vicissim dona, honoresque, quos ipsis Pontifices retulerunt.

Non est denique, cui potius quam tibi totius Insulæ Primati, et Protometropoleos Archiepiscopo incumbit Ecclesiæ nostræ disciplinam tueri, omnemque dare operam, ut Clerici ediscant, ac consequantur. Ipsum igitur operis argumentum tam tuis muneribus conjunctum postulat, ut opus tuis prodeat fultum auspiciis.

Auctor autem, qui primus, et antiquior tui Seminarii antecessor sex supra triginta annos Clericos Latinos, Græcosque in re Canonica, et Theologia dogmatica erudiit, quo potius quam tuo illustri nomine potest illud auspicari. Nec dubito quin tibi, qui tam miti animo, tamque placidis moribus ex Deo frueris, sit acceptum: non enim est optabilius Episcopis, quam præceptorum bene instituendi studium: nec est præceptoribus honorificentius, quam Episcopis placere. Tu igitur

tur Eminentissime Præsul, et operis et Auctoris
patrocinium suscipe, quod tibi uni convenit,
tibi que opus nuncupat Auctor, Cardinali, Si-
culo, Archiepiscopo Panormitano de Ecclesia
benemerentissimo.

Devotissimus

Emmanuel Leone, et Pappalardo

PROÆMIUM

7

Jamdiu optavi Jus Siculum Canonicum, nostræque Ecclesiæ disciplinam a suis profectam initiis ad hæc usque tempora ductam perscribere. Non equidem eo consilio, ut superbientis litteraturæ ambitioni indulgerem, sed ut susceptum munus honestè implerem clericos latinos, græcosque in re canonica universa instituendi. Quod si magna interest sacram Jurisprudentiam, quæ in omnibus Ecclesiis obtinet, ediscere, piaculum certe crederem propriæ cujusque Ecclesiæ disciplinam, jura, et privilegia haud contemnenda negligere. Hæc, quæ tota scribendi ratio fuit, magis ingenium excitabat, quod ne quidem unus ex præclarissimis scriptoribus, qui rerum secularum vel civilium vel sacrarum monumenta collegerunt, Juris Canonici Siculi corpus ediderit, ut Ecclesiæ nostræ Disciplina sub uno veluti prospectu facillime innotesceret. Ex quo evenit ut Juvenes libentius animum intendant ad jus Gallicanum, Bel-

gicum, vel aliud Exoticum, quod in multis libris explicatum ipsis legere, ac ediscere facilius erit, quam Jus Siculum, quod non adhuc collectum assequi non posse sibi persuadent. Et pudet sane hac nostra ætate juvenes. ut plurimum ignorare, quæ vetustioribus sæculis ab ineunte Clericatu tanta sedulitate assequebantur Clerici; nam unaquæque Ecclesia suam habuit bibliothecam, quæ codices sacros asservabat, et Clerici vix adscripti ab Episcopo tradebantur Archidiacono, vel præfecto bibliothecæ, ut sacræ lectioni, et Canonum præsertim propriæ Ecclesiæ incumberent. Hanc praxim in Ecclesia Sicula fuisse testatur Leontius in vita Gregorii 2 Agrigentini, quem a parentibus Ecclesiæ oblatum „ *Patamion Episcopus Donato Archidiacono, et Bibliothecæ præfecto tradidit* „ ita et Ecclesia Africana suum codicem habuit, suaque jura servavit ipsa Cypriani, et Augustini ætate : sic laudabiles consuetudines, suamque disciplinam sub ipso Ambrosio Mediolanenses retinuerunt; nec aliter Hispalenses, Galli, Germani suos servant co-

dices suisque gloriantur libertatibus ; feliciores tamen, quia plures et præstantiores habere scriptores. Quonam igitur fato nos tam solliciti aliena cupimus scire, et tanta socordia nostra nobis utiliora negligimus? ut etiam non sine dedecore in publicis gymnasiis exoticorum scriptorum institutiones, et aliarum Ecclesiarum politiam tradere cogimur et explanare. Non equidem Siciliensis Ecclesia et foundationis vetustate, et martyrum gloria, et Episcoporum sanctitate, et doctrina, fideique integritate, et in matrem Ecclesiam ejusque Caput reverentia, ac studio inter omnes Italiæ Ecclesias infima fuit, et ingloria. Immo sub Nortmannorum ævo dignitate, divitiis, juribus, et privilegiis Episcopatum, et Monasteriorum illustrior exasit, ac denique Pontificia Regum legatione omnibus antecellit.

Merito igitur optaveram, ut ad opus et dignitate, et utilitate præstantissimum, aliquis ex præclarissimis scriptoribus, qui res sacras mirifice pertractarunt animum appulisset : sed nescio quonam infortunio, et rei publicæ literariæ detrimento summi viri, et

exercitatissimi præteriere. Me autem hæc animo volentem et impares vires, et rei magnitudo, et monumentorum difficultas, et opinionum periculum a proposito deterrebant, ut ab opere sæpe incæpto sæpius desisterem. Et re quidem vera magnum opus est, eoque exercitatione non parva, omnium sæculorum disciplinam complecti, et mutationes, ac vicissitudines, quæ per diversas ætates obtinuerint, recensere: non enim unum, idemque fuit Jus Siculum Ecclesiasticum; non unum, idemque regimen sacrum; non eadem Pontificum, Regumque jura, et regni privilegia. Quamobrem prius quam ad canonicas institutiones accedam operæ prætium est Isagogen præmittere, quæ statum Ecclesiæ Siculæ per diversas distinctum ætates exhibeat, et Juris fundamenta, fontesque constituat, ut facilius prospiciantur rerum initia, incrementa, vices, et complementum. Hanc Isagogen in duas distribuimus partes: prima latinam, græcamque, et saracenicam absolvit ætatem: secunda Nortmannicam Suevamasque insequentes quæ Nortmannicam redolent, et ab ea pendent.

Primam igitur ætatem, quæ latina fuit, ab Ecclesiarum exordiarum fundatione, ut quid sit certum assequamur, et quæstiones magna contentione exagitatæ soluti fiant faciliores, et aptius ac utilius ordines Episcopatum adnectere possimus. Inde statum persequar Ecclesiæ nostræ per priora sæcula, et primum persecutiones, et acta Martyrum leviter attingam; non ut historiam contexam, sed ut juventutem admoneam; ne sicut veteres disciplinam ex apographis eruant monumentis. Deinde fontes juris exponam, regimen Ecclesiasticum, et jura sacra, et temporalia Romanæ sedis, circa quæ non levia inter nostrates exarserunt dissidia.

Græca Latinam excæpit ætatem, in qua noveris quænam mutationes irrepserint in Ecclesiam Siculam post Leonem Isauricum tam Romanæ Sedi infensum, num ablato Siculo Divi Petri patrimonio Ecclesiam quoque subtraxerit: num novum regimen, et Metropoleon institutionem invexerit, novos ritus, et Græcam disciplinam, vel etiam schisma.

Sicut autem sub Saracensis siluit Eccle-

sia Sicula, ideo hanc captivitatis periodum Græcæ adjecimus; cum pauca prostrant disciplinæ momenta. Animadvertas tantum velim quidquid Juris novi invaluerit in occidente post Carolum-M. Siculis sub Græcis et Saracenis ignotum omnino fuisse. Quapropter Jus vetus Canonicum Siculum duabus hisce ætatibus absolvitur Latina, et Greca. Jus novum ad tertiam Nortmannorum ætatem pertinet.

Ævum Nortmannicum captivam Ecclesiam vinculis solutam instauravit, disciplina juri- bus et privilegiis illustravit, auxit, firmavitque: et hæc una ætas omne Jus Siculum complectitur, et veluti fons et regula insequentium sæculorum habetur, decus Insulæ nostræ, et ornamentum, quo supra cæteras præcellit nationes. Hoc ævum illustrent novum Regnum exorsum, novaque Regum jura et inauditum legationis privilegium, quod Monarchiam dicimus, sepiissime oppugnatum et magis per concordata confirmatum, et præstantissimas Leges Regnique constitutio. Non equidem hic ea omnia absolvam ex quibus juris Siculi Capitula coalescunt, sed

tantum expediam in Isagoge novorum Episcopatum foundationem, ac veterum restaurationem, novumque Ecclesiarum regimen et disciplinam Gallo-Siculam inductam, quænam jura fuerint Comiti ab ipsis Pontificibus indulta ob Insulæ acquisitionem, et quodnam jus sacrum in Ecclesiam Siculam ab ipso Comite Romanæ sedi restitutum, de quo tot schismaticorum græculorum injustæ quærimoniæ in Pontifices, et Nortmannos: denique exorta dissidia inter utramque potestatem, ac fœdera, et pacta conventa recenseam. Sicut autem disciplina Ecclesiæ nostræ quamvis exinde post Decretalium publicationem aucta, vel immutata in quibusdam creverit ab hoc ævo duxit exordium, et privilegia Nortmannis concessa ad hanc usque ætatem integra pene pervenerunt, ideo jus Siculum Ecclesiasticum jus Nortmanicum appellari solet: nam insequentibus periodis, ut plurimum jurgia sacra legimus, et post dissidia, juriū restitutionem, quidquid autem mutatum fuerit sive in Isagoge, sive in disciplinæ capitulis recenseam.

Quarta dein quæ Svæva exurgit ætas, famosa exitit. Nam Suævus Fridericus Imperator magnus plane vir sed varius in vita varia subiit discrimina, et sibi non constans magna excitavit inter sacerdotium, et Imperium dissidia, magnaque perpessus est, donec reconciliatus obiit, sed quamvis extremam vitæ partem sacrorum Ecclesiæ jurium violatione dehonestaverit; initia tamen virtutibus, religione, ac litteratura illustravit: ipse enim Pontifices eximia reverentia prosequutus est, disciplinam Ecclesiasticam fovit; hæreticos Legibus coercuit, pænisque insectatus est, rempublicam litterariam coluit, virosque doctrina præstantes adscivit, ac muneribus cumulavit, Legesque, quas ediderant Northmanni, quasque et ipse tulerat, in codicem redegit: adeo ut ipse unus ob varium vitæ genus totam hanc Suævam ætatem absolvit. Quidquid igitur sub ipso notatu dignum inveniam, sive Jus Northmannum, quod retinuit, quodque nimis extendit, et ultra fas auxit; sive Leges codicemque Siculum, et temporum opiniones, ac dissidiorum causas, si-

ve aliud quidquam, quod ad majorem juris Siculi explicationem possit inservire, partim in Isagoge expédiam, partim ad Capita juris remittam.

Quintam Andegaventium ætatem Scriptores Siculi silentio prætereunt, nec quidquam credunt colligere posse, quod veterem Regni dignitatem, aut indulta Ecclesiæ privilegia redoleat sub Carolo, qui tantum quod sibi utile inhiavit, nostraque omnia neglexit.

Cum vero illuxit sextum Aragonentium ævum post tot rerum vices, Nortmannorum jura revocata sunt, quæ et sub Castellanis, et sub Austriacis retenta sunt usque ad concordatum proprie Siculum habitum post durissimum totius regni interdictum inter Benedictum XIII. et Carolum sextum Imperatorem et ad nostra usque tempora producta. Sed animadvertendum est quoad hæc ætates, inducto novo jure Decretalium, exceptis potioribus Legationis articulis, quam tuebantur reges, cætera Juris Canonici capitula cum jure communi fuisse composita, nisi aliud ob capitula regni, ob pragmaticas sanctiones,

ob vetustas consuetudines, et praxin Ecclesiæ nostræ obtinuerit. Hisce sæculis memoratu sunt digna duo concilia, quæ metropolitica dicerem, Panhormi et Messanæ celebrata ad corrigendos clericorum mores, ex quibus status illius ævi cognosci potest quoad vitam et honestatem clericorum. Sub Austriacis non negligendam existimavi Concilii Tridentini publicationem, et dein concordiam ita dictam Alexandrinam, sicut frequentem synodorum celebrationem, quæ cæptam a Tridentino reformationem prosecutæ sunt. Denique Jura legationis Nortmannorum ad ævum usque quo vivimus Borbonicum pervenerunt, et Tridentini disciplina etiamnum obtinet in praxi, nisi obstat jus nostrum jamdiu concessum et vetustissimo usu confirmatum.

Hæc quæ hactenus innuimus sua ipsa magnitudine laborant multo magis si perpendas monumentorum difficultatem quæ me etiam a tanto labore detrahebat. Hæc tamen difficultas non accipienda velut omnium monumentorum inopia, sed quatenus in quibusdam periodis res deficiant, in quibusdam ma-

gno labore colligendæ sint. Sic igitur trium priorum sæculorum argumenta si qua sunt vel ab exterorum testimonio vel a vetustissima patria traditione referuntur. Post redditam Ecclesiæ pacem nonnulla extant apud exteros: Vandali enim, post Africam Siciliam invadentes, omnia ferro, igneque devastarunt; si quæ autem illorum excidium evaserunt, vel quæ postmodum pacifice ad octavum usque sæculum obtinuerunt, ex quibus gravia disciplinæ capitula hausimus, omnes scriptores nostri collegerunt, ac explicarunt. Fatendum tamen est præ omnibus de fundatione et regimine Sicularum Ecclesiarum saniori consilio Cantelium scripsisse, sicut de martyribus, et persecutionibus Papebrochium apud Bollandistas, quos persecutus est Joannes de Joanne probatissimus vetustatis censor. Hic sane magna reipublicæ litterariæ utilitate, sincera Latinæ et Græcæ ætatis diplomata, quibus adnotationes selectissimas, ac dissertationes apposuit, in codicem redegit, qui proprie codex Canonum Siculus dici potest. Cuncta vero et satis ampla, quæ Gaetanus, Pirrus,

aliique magni viri memoriae posterorum prodidere quoad primam epocham mendis scatent et vera mixta falsis indistincte continent, prodignitate tamen laudandi sunt auctores ipsorumque nævis parcendum, quia primi silvam ingressi difficillimam viam aliis aperuere.

Non omnia græca exemplaria ad nos pervenerunt nam Saraceni Siciliam aggressi cuncta sanguine atque funeribus impleverunt, Ecclesias, earumque exedras exterminarunt; hinc plura autographa amissa quæ in Bibliothecis servabantur, et ipsæ sanctorum vitæ a coævis biographis latine scriptæ, et in græcum versæ idioma, non sine vitio supersunt.

Sub Nortmannis autem non quidem monumentorum inopia laboramur; magnam enim copiam magnus nobis Pirrus exhibuit in notitiis Ecclesiarum, aliique præstantes eruditione viri, sed non sine labore ex allatis diplomatibus colligendam. Plura quoque supeditant Ecclesiarum Tabularia, quæ manuscripta custodiuntur Panhormi in Bibliotheca Senatoria. Pauca sed prætiosa extant in Cronicis a Carusio editis; quia stilo nimis pres-

so, et ægeno scriptores illi gesta narrabant. Hæc omnia veluti codices juris Canonici Siculi pervolutavi, et quidquid ad rem meam pertinet meum feci. Piaculum quoque duxi scriptores alienigenas negligere, ex quibus non pauca, quæ nostra illustrent, scitu digna excerpere juvat.

Fateor tamen plura periisse diplomata, et quidem utillima, hujus ævi ob Archivii Regii naufragium sub anno 1400. sed ex his quæ supersunt satis et cognosci, et colligi potest disciplina Nortmannæ et Suevæ: quoad insequentis ætatis scriptoribus non deest rerum copia. Ex hisce colligitur difficultatem in his rebus exquirendis ex duplici causa oriri 1. ex quodam monumentorum defectu sive ob barbarorum excidium, sive ob temporis injuriam 2. ex defectu collectionis, rerum enim congeries hic illic dispersa jacet, et necessario expostulat ut in ordinem redigatur, utque studiosa juvenutis facilius assequi possit. Hanc mihi proposui magnam exercitationem quam faxit Deus ut compleam et in rebus Siculis versantibus utilis essem: sin minus hoc

opus exoptasse ac deliniasse mihi decorum .

Denique res ipsa quam aggedior explanaturus, meum quidem animum quadam incertitudine sollicitum angebat ut me ipsum a suscepto labore sæpius averterem, tanta enim opinio difficultas aliquando est orta, tamque gravia inter sacerdotium et Imperium dissidia exarserunt, ut in constituendis Pontificum, regumque juribus et privilegiis, facile, ut assolet, in scillam incidant, caribdim vitare cupientes. Sed sicut nostrorum Regum jura potiora ex Romanorum Pontificum concessione exorta sunt, et sæpius concordatibus confirmata, hinc bene expositis privilegiorum originibus, non tam facile oriri potest culpabilis gratiæ suspicio scriptoris blandientis, quasi audeam quod absit de una vel altera potestate male sentire.

Ego enim ab ineunte ætate utramque potestatem revereri didici, et Juventutem mihi traditam instruendam semper docui, quæ sunt Dei Deo dare, et quæ sunt Cesaris Cæsari. Quapropter hoc opus auspicaturus quæ scripsi, quæque scripturus sum iudicio Ec-

clesiæ submitto; et si aliquid minus rectum irrepperit, improbo, ac detestor; parique animo sententiam Divi Augustini meam facio,, Si aliquid vel incautius, vel indoctius a me positum est, quod non solum ab aliis, qui videre id possunt, merito reprehendatur, verum etiam a me ipso; quia et ego saltem postea videre debeo, si proficio, nec mirandum est, nec dolendum, sed potius ignoscendum, atque gratulandum, non quia erratum est, sed quia improbatum. Nam nimis perverse se ipsum amat, qui et alios vult errare, ut error suus lateat. Quanto enim melius et utilius, ut ubi ipse erravit alii non errent, quorum admonitu errore careat: quod si noluerit, saltem comites erroris non habeat,, Epist. 143. ad Marcellinum num. 2.

PRIMA ÆTAS LATINA
SICULARUM ECCLESiarUM

ORIGINES

CAP. I.

§ 1.

Primordia Ecclesiæ Siculæ satis obscura sunt, et ad ea attingenda vel nulla suppetunt monumenta, vel ea quæ circumferuntur magis fabulis decora sunt, quæ tamen aspernari piaculum duxit, vel scriptorum nimia pietas vel inconsultus Patriæ amor, nam sibi antiquitas hanc tribuit veniam: Ecclesiarum exordia sicut Urbium augustiora facere, et conjecturis nimis indulgendo ac traditioni venerandum Apostolicæ Ecclesiæ nomen illi tribuere quæ tertio sæculo, aut insequenti ortum habuit, media ætate, inquit Launojus (in Dissert. ad locum Sulpitii Severi,) orta est inter Ec-

Ecclesiæ
Siculæ
fundatio

clesias super antiquitate originum suarum contentio, et certa quædam æmulatio, quæ fecit ut cum simplicem veritatem ultro oblatam facile proferre poterant, inquit Damianus, sategerint ut mendacia cum labore confingerent,, sic igitur omnes pene vetustiores Ecclesiæ Siciliæ et Italiæ susceptæ fidei parente gloriantur Apostolo Petro, et ejus in Siciliam adventum ut plurimum scriptores nostri exploratum habent, et in suam quisque trahit Ecclesiam, ut vix reperiatur una vel altera quæ ab Apostolo Petro, vel apostolicis viris non dicatur instituta: quapropter sicut Tauromenitani, teste Papebrochio, suo gloriantur Pancratio a D. Petro in Siciliam misso, ita pari æmulatione Siracusani Marcianum, Catanenses Beryllum, Messanenses Bacchilum, Agrigentini Libertinum, et suum Panormitani quem ignorant primum Episcopum ad ævum Apostolicum extollunt. Vetustissima tamen et universalis semper traditio fuit Divum Petrum Siculam Ecclesiam fundasse et primam lucem nascentis Religionis primo sæculo non media ætate Siculis illuxisse ex-

ploratum est penes Græcos et Latinos Patres, quorum testimonia reperies apud Gaetanum in Isagoge et Joannem Joannium in Diss. ad calcem eod. Dipl. Sufficiat nobis Unus Innocentius primus in Epist. ad Eugubinum Episcopum,, In Siciliam, insulasque interjacentes nullum instituisse Ecclesias nisi eos quos Venerabilis Apostolus Petrus aut ejus successores constituerint Sacerdotes,,

§. 2.

Scriptores igitur nostri ingenio quidem et eruditione præstantes suarum Ecclesiarum Episcoporum seriem tradidere et acta martyrum et Sanctorum historiam, quibus successio episcopalis ut plurimum innititur explananda suscepere; sed hoc unum ipsis studium fuit suam Ecclesiam Apostolica institutione, martyrum sanguine, et metropolitana dignitate fulgentem ostendere, parum tamen fuere solliciti num sinceris vel suppositiis monumentis volumina implerent cum non adhuc in Sicilia critices studium excoleretur. Præcæteris

Episcoporum
Series

notatur Christophorus Schobar ob Siracusano-
rum Episcoporum cathalogum ex mss. codi-
ce hujus Ecclesiæ, qui utinam tam solidus
quam artificiose compositus teste De Angelis
l. 3. annal. § 4. num. 5. Ita Messanensis Ec-
clesiæ Episcopis enumerandis incubuit Mora-
bitus, cujus opus incæptum prosequutus est
Stephanus Maurus ex suppositis Epistolis Ze-
phirini et Eutichiani Pontificum quos jure
carpunt eruditi v. De Angelis l. cit. num 3.
Albertus Piccolus, De Angelis aliique sanio-
res fuere in confutandis aliorum Ecclesiarum
initiis, quam in propriæ Ecclesiæ primordiis
vindican-
dis. Omni existimatione dignus habende-
dus P. Gaetanus et operum multitudine, et
eruditione clarus, sed nimis antiquitati indul-
sit, et veterum sæpe figmentis in constituen-
dis Ecclesiarum originibus, et martyrum actis
pepercit. Omnes antecelluit magnus sane Roc-
cus Pirrus, qui Sicilientium Episcoporum
successionem ad ultimam usque ætatem pro-
sequutus est, et quamvis felicior fuerit post
Ecclesiæ Siculæ restorationem a Nortman-
nis, quam in ejus fundatione ab Apostolis,

vir tamen summus, et de republica litteraria benemerentissimus, cujus maxime nævis parcendum, et quia duram provinciam aggressus est, et quia nullum præter seipsum habuit magistrum. Post Pirrum Cantelius alienigena præ omnibus selecta eruditione et accurato judicio origines nostrarum, et Italiæ Ecclesiarum explanavit; cujus vestigia pressit Joannes de Joanne Tauromenitanus in exponendis Siculorum Episcopatum primordiis verus et ipse antiquitatis censor, et omni genere litteraturæ excultus. Huic in animo erat sincera omnium sæculorum monumenta in unum veluti codicem redigere; sed res ex voto non cessit: nam editus primus codicis Diplomatici tomus ipsi odium peperit, invidasque turbas excitavit, et secundus tomus, qui jam sub prælo erat fato misero, nisi dicam æmulatorum invidia, periit magno reipublicæ litterariæ detrimento. (A) Ipse ve-

D 2

(A) Nota. Hujus præstantissimi viri dum captus gloria quadam amissum codicem inquirebam, non sine diuturno nec parvo labore opuscula quædam mss. inter volumina legalia latitantia inveni, et distinctiori loco reposui: aliam videlicet de origine Siculorum Episcoporum dissertationem; de Martyrologii Siculi correctione: Diplomatum

ro ob prætium operis et juvenum profectum
quæ saniori judicio Cantelius, Bollandistæ,
Ioannius nostriquæ Siculi exposuere in com-
pendio expediam.

§. 3.

Ecclesia-
Tauro-
menitana.

In tanta scriptorum discordia et monu-
mentorum inopia Institutionem Ecclesiarum
Sicularum auctoritate suffulti recentiorum bre-
viter aggredimur Exordiar igitur ab Ecclesia
Tauromenitana pro qua certiora creditur su-
peresse monumenta Acta divi Pancratii ab
Apostolo Petro in Siciliam missi Evagrius,
ejus discipulus et testis coævus scripsit, quæ
si superessent certos nos facerent de Aposto-
lica hujus Ecclesiæ fundatione sed incuriosa
vetustas amisit, et quæ extant omnium eru-
ditorum judicio sunt spuria et post medium
ævum conficta. Si verum tamen esset quod ve-
teres Siciliæ Patres qui Pancratium celebra-

collectionem ad Religionem S. Joannis Melitæ pertinentia:
Historiolam Ecclesiæ Tauromenitæ: ejusdem urbis antiqui-
quitates: pleraque alia miscellanea haud magni momenti
alteri legali inserta volumini, quod littera græca ω si-
gnavi quia amplius in mea potestate non habui.

runt acta sincera præmanibus habuerint inficiari non posset quin Tauromenii primo Christi sæculo Pancratius Episcopus et Martyr floruerit missus a D. Petro et ab Urbe florentissima ea ætate Idolatriam profligaverit, fidem invexerit, et primam Episcopalem sedem instituerit: sed hoc omnino exploratum non est, nec indubia eorum testimonia pro aliis Ecclesiis experiuntur eruditi, fortassis quia patres illi in encomiis communi et universali traditioni sese obtemperaverint. En ut loquitur Cantelins in Hist. Urbium Metropol. p. 3. Diss. 5. c. 8. de Episcopatibus Siciliæ,, Inter Episcopos principem locum obtinet sanctus Pancratius beati Petri, ut peribent, discipulus,, attamen Bollandus die 3. Aprilis probat Pancratium ab Apostolo Petro ordinatum et in Siciliam missum 1. ex vetustissimis martyrologiis Jeronimi, Usuardi, Adonis, Notcheri et aliis ad plurimarum Ecclesiarum usum conscriptis 2. ex libris liturgicis, et Sinaxario mss. parisiensi,, Hi duo (Petrus et Paulus) impositis manibus consecrarunt Episcopos Crescentem Galatiæ, Mar-

cianum Siracusarum, et Pancratium Tauromenii „ 3. ex vetustissima traditione et cultu quo Siculi post hominum memoriam Pancratium Ecclesiæ nostræ veluti patrem coluerunt 4. denique ex auctoritate veterum Sicularum Patrum Sofronii, Theodori Studitæ Josephi hymnographi et Gregorii Ceramæi quos etiam consule penes Joannem de Joanne in Diss. 1. ad calcem codicis et in mss. ex quibus Ceramæum cui maxime innititur Bollandus seligimus Hom. 57., Sanctus Pancratius sicut memoriæ prodidit qui de ejus rebus gestis historiam scripsit Evagrius, ab Oriente profectus et principis discipulorum manibus sacris initiare potentibus Episcopus creatus in nostram hanc Insulam missus est cumque ad hanc civitatem Tauromenium advenisset primum omnium abominationibus Demonum eam expurgat et prophana conterit simulacra „ cæterum animadvertendum est quod si ex omni antiquitate, certum sit D. Petrum Ecclesiam Siculam fundasse, per quem alium Episcopum si non per Pancratium constituit? Cum pro aliis minus certa sint argumenta

attamen vel adventum Divi Petri in Siciliam vel ipsius Petri missionem ad nos alicujus Episcopi nec Innocentius 1. asseruit neque exploratum est nisi quod ex vetusta traditione ita creditum: sed hæc traditio, quam et martyrologia et scriptores veteres sequuti sunt etiam aliis favet Ecclesiis pro quibus falsa vel dubia suppetunt monumenta ..

§ 4.

Syracusanum Episcopatum Christophorus Scobar in Cath. Ep. Syrac. non solum adævum Apostolicum evexit, et B. Marcianum ab ipso Petro consecratum sustinuit sed etiam Syracusas secundum totius orbis Episcopatum obtinuisse effinxit. Roccus Pirrus in not. Ec. Syr. Octavius Gaetanus T. 1. ss. Sicul. et in Isag. c. 14. Bollandus in vita S. Paner. loc. cit. hujus etiam Episcopatus Apostolicitatem vindicarunt auctoritate ducti 1. Actorum mss. S. Marciani quæ Siraculis asservantur ex quibus desumptæ lectiones Breviarii Gallicani sed ea recensiores critici respuunt quia cor-

Syracu-
sana

rupta et erroribus scatent et veterem ætatem non redolent secundo Romani martyrologii sed hoc Syracusanis scriptoribus et Maurolici auctoritati innititur, immo vetustissima martyrologia Bedæ vsuardi aliorumque non referunt: tertio Leonis Papæ diplomatis et sacrorum rituum Congregationis: sed certe in rebus Historicis non definiunt quæstionem 4. Breviarii Gallicani quod notavimus ex actis mss. exaratum 5. Græcorum menæorum 30. Octobris et 9. Febr. quæ recensiolem ætatem redolent et vulgatam opinionem: nam Antilogium Ecclesiæ, græcæ Clemente octavo adprobante editum an. 1598. quod vetustiora amplectitur, Marcianum non memorat 6. denique Anonymi scriptoris 7. sæculi in encomio S. Marciani et S. Josephi hymnographi. Verum hi patres juxta illorum temporum fidem locuti sunt V. de Angelis l. 3. § 4. num. 5. Præcæteris autem juvat hic asserre testimonium Danielis Papebrochii continuatoris Bollandi die 14. Junii T. 2. de S. Marciano num. 3. qui Bollandi opinionem emendavit et ejus auctoritate Joannes de Joanne

suam sententiam correxit,, Par autem æmulatio Syracusanos moverit ut Tauromenitanæ Ecclesiæ de cuius antiquitate non dubitatur suam si non priorem saltem paræm videri vellent; eoque persuaderi sibi sinerent Marcianum æque ac Pancratium Petri discipulum fuisse? Huic deinde persuasioni inhæserit Encomiastes non considerans quam longe a Petri ætate distarent tempora Valeriani et Gallieni. Qui autem postea commentatus est utriusque Protoepiscopi prolixissima acta pro illis Neronem audacter substituerit sub quo passi sint. Denique præsumpserit aliquis (Christophorus de Escobar an. 1608.) eadem qua pseodorothæus fide, accersitis a cerebro suo vel aliunde nominibus implere cathalogum, idque verosimiliter post recuperatam de Saracenis Insulam Sæculo Christi undecimo ultra medietatem provecto. Nam quæ antea non magis frugum quam fabularum ferax fuit Insula, fuit etiam talis post inductam Christi fidem ut præbant tot vitæ sanctorum græca verbositate et fide auctoribus non suis suppositæ. De quibus ad acta SS. Alphii, Phi-

ladelphii et Cirini . 10. Maji,, et num. 8. ,, fuit Joseph Hymnographus. in communi tunc errore, in quo et auctor Encomii de tempore missi in Siciliam Marciani ,, num. 9. ,, credi potest Marcianus missus in alta illa sub Sancto Fabiano Papa Ecclesiæ pace quæ præcessit Decianam persecutionem, cujus continuatio fuit illa quæ sub Valeriano et Gallieno sæviit,,

§. 5.

Panormi
tana

Optarem sane Ecclesiam Panormitanam ab Apostolis institutam sed argumenta quibus isthæc opinio innititur satis infirma criticis videntur, Cantelius tamen l. cit. p. 3. diss. 5. cap. 5. num. 3. de ipsa hæc habet,, ut omnium fere Ecclesiarum ita Panormitanæ obscura sunt exordia. Sunt qui cives a B. Petro dum e Græcia Romam peteret, ad fidem christianam eruditos velint et ab ipso paulo post eo missum, qui hanc urbem regeret, Episcopum. Id suadet Panormi celebritas, aliarumque urbium exemplum. Ut Syracusis

Marcianus Pancratius Tauromenii, Catanz Berillus ita Panormi, qui his urbibus aut par erat aut etiam superior institutum Episcopum simile vero est. Quis vero primus fuerit Episcopus quique per trecentos plus minus annos huic sedi præfuerint, obscurum est. Primus de quo memoriæ proditum sit Mamilianus appellatur an. 297. sub Dioclesiano, hæc Cancellii et Gaetani opinio mera conjectura est, imo ex ea inferri potest aut nullam ex his sedem apostolicam esse aut omnes, quæ certe nescio quomodo defendi possent. Verumtamen scriptores nostri Panormitanæ et Agyrensis Ecclesiæ apostolicitatem sustinent ex duplici historia S. Philippi quarum una sub nomine D. Atanasii, altera Eusebii monachi socii Philippi itinerum circumfertur, utramque leges penes Gaetanum T. 1. ss. Sicul. et Thomam de Angelis Annalium sæc. 5. Mongitorius et Serius ad diluendas Messanensium difficultates Atanasium cum Eusebio conciliant et utramque historiam in rem suam inflectunt et ad primum sæculum extollunt. Ipse vero in tanto partium studio fateor non

posse responderi ad hæc quæsitæ et primo sane quærerem quomodo detur fides Atanasii commentario an. 1650. in bibliotheca Antonii Augustini mss. invento, si patres Maurini in edit. Operum Atanasii T. 2. p. 5. in præf. judicant, in hujusmodi commento refutando operam ludere otiosi hominis esse, 2. unde silentium omnium veterum quod etsi negativum, magnum tamen in hisce rebus suppositionis indicium est? 3. forsitan credibile videri possit Atanasium gravissimis rebus intentum acta scripsisse Philippi quem nemo vidit unquam in Egipto? 4. quæ ratio diversitatis styli commentarii cum aliis Atanasii operibus? 5. quomodo explicetur silentium commentarii de Eusebio Philippi comite et continuus cum ejus historia dissensus? 6. quamnam fidem mereri possint codices mss. in oppidis Caltabillottæ et S. Philippi fragalatis inventi qui Philippum a Petro missum exhibent cum quoque missum ab ipso testentur Calogerum quem sæculo quinto vixisse ex Gregorio M. comperimus. Quapropter merito commentarium istud rejecerunt veluti fig-

mentum Bollandistæ Bürmannus in præf. ad antiq. Sic., De Angelis, et Joannes de Joanne. Satagunt quoque Scriptores panormienses defendere S. Philippi historiam ab Esebionaco scriptam ex eo quod in ea fiat mentio Archiepiscopi Panormitani. Sed historiam istam commentum esse posterioris ætatis satis arguunt verba ipsa quæ in ea leguntur, temporibus Arcadii Imperatoris, quæ sine ullo fundamento vertit Pirrus, temporibus Neronis, sicut et alia quæ in ea commemorantur veterem non redolent ætatem, sicut festum exaltationis Sanctæ Crucis, Constantinopolis mentio, nomen monachi, publica templa Ecclesia Sancti Petri ejusque festum, titulus Patriarchæ D. Petro datus, sacer cultus Philippo Confessori et nomen Archiepiscopi quæ omnia novitatem sapiunt. Non me latet ad hæc sua dedisse responsa Serius sed frigidis conjecturis. Si pergama dextra defendi possent etiam hac defensa fuissent.

Messa-
nensis

De origine Messanensis Episcopatus „ sunt verba Cantellii loc. cit. c. 6. „ triplex opinio est . Alii eam dignitatem repetunt a D. Paulo , a quo Bacchylum ordinatum Episcopum volunt . Ita plerique omnes Messanenses historici ut Lascharis , Bonfilius etc. Alii id tribuunt B. Petro , a quo Antiochia in Siciliam missi sunt , ut illis quidem placeat , Martianus Syracusas , Pancratius Taormenium , Messanam Bacchylus et alii alio . Sunt etiam qui ad Leonis 1. tempora id rejiciunt , ipsiusque Leonis in eam rem auctoritatem adhibent : cujus Epistola quarta ad omnes Siciliae Episcopos verba sunt hæc „ hæc autem quæ inspirante Domino vobis insinuanda credidimus per fratres et Coepiscopos nostros Bacchylum et Paschasinum ad vestram volumus notitiam pervenire „ ex quibus ita argumentari licet : Bacchyllus inter Episcopos Messanenses principem locum obtinet ut testes sunt scriptores omnes tum Messanenses , tum Siculi : geminum vero Bacchylum fuisse ,

a nemine usquam proditum est, unde verosimile est Bacchylum, qui Leoni primo ætate suppar erat, (idem enim et Bachilli et Bacchylli nomen est) primum fuisse Messanæ Episcopum. Hæc fere Pirrus quæ vera ne sint an secus aliorum sit judicium,, inde sequitur contexendo Episcoporum catalogum a Bacchylo . .

Prima igitur opinio est Lascaris qui post ann. 1490 ex codice mss. in monasterio D. Agatæ Rhegii a se reperto sustinet D. Paulum Bacchylum primum Episcopum consecrasse et in præfat. ad Epistolam B. Virginis exposuit historiam sive potius græca fide finxit,, Paulum Apostolum cum esset Rhegii a Sen. Pop. Q. Messanesi flagrantibus studiis accitum Messanam venisse,, duosque dies ea in Urbe commoratum conciones ad populum habuisse de Passione Domini, de B. Mariæ Virginitate et Incarnati Verbi æconomia; quibus auditis Messanenses Christianam fidem complexi, eximiisque in Dei parentem studiis excitati, Legationem Hyrosolinam ad eam decrevere ubi vivere et adhuc

agere audierant. Paulus vero Apostolus et Legati Messanenses in Orientem profecti, Deique Matrem coram venerati ab ea litteras ad Messanensium Rempublicam susceperunt. Oh inaudita facilitas? Omnes tamen eruditi codicem confictum ab ipso Lascari volunt; nemo enim unquam vidit autgraphum et ipse Maurolycus hæc omnia neglexit. Cæterum clarissime suppositionem ostendit negotium istud tam celeriter et pacifice peractum, totius Urbis intra duos dies conversio, Episcopi consecratio, et sollemnis legatio a D. Paulo suscepta qui Romam vinctus ducebatur V. Gaetanum Isag. c. 22. et cap. 37. num. 2. et seq. Vidit difficultatem Albertus Piccolus et Lascaris commentum rejecit, et non a Paulo sed a D. Petro ex Antiochia missum Bacchylum fuisse contendit: quæ secunda opinio est, quæque facilius confutatur, a Pirro nam conjecturis frigidisque argumentis adstruitur. Tertia et probabilior opinio est Pirri qui alias in tradendis Ecclesiarum exordiis plura vel incerta vel etiam supposititia concessit saniori consilio Messanensis Ecclesiæ.

initium recensuit et Bacchilum in ætatem Leonis primi rejecit cui subscribitur Cantelius sicut et Bollandistæ Eucarpum primum Episcopum agnoscunt die 23. Martii S. Niconis §. 2. num. 12. „ Verum iis temporibus necdum ea (Messina) erat Episcopalis uti solide probavit Pirrus erudite rejiciens quotquot ab aliis perperam huc trahuntur quasi Episcopatum Messinæ in Sicilia gessissent ante Eucarpum (Bacchyli successorem) ad sæculi sexti initia florentem „ Cum certum sit apud omnes primum Episcopum Messanensem fuisse Bacchylum , et alium hujus nominis nullum fuisse compertum sit , igitur qui memoratur in Epist. Leonis M. ad Episc. Siciliæ primus est Episcopus Messanæ Consule Pirrum not. Eccl. Mess. Bollandistas l. cit. Cantelium l. cit. Gaetanum l. cit. et Joannium . Diss. ad cod. et in mss.

§. 7.

Ex Apostolicis quoque doxerunt initis Catanensis
Catanensem Ecclesiam Roccus Pirrus quem

carpit Burmannus præf. ad Thesaur. Sic. post Pirrūm Gaetanus c. 18. 4. c. 37. et ipsi Bollandistæ qui in vita S. Berylli die 21. Martii hæc habent „ ex successoribus Episcopis sedit sæc. 8. S. Leo Thaumaturgus, cujus vitam ab auctore cœvo scriptam dedimus ex eod. mss. græco 20. Febr. in qua num. 2. ista leguntur — Defuncto Sabino Episcopo cum in successione qui sacerdotii munere dignus esset investigando hujus Urbis incolæ tumultuarentur, unum hunc aptissimum delegavit B. Leonem virtutum omnium columnam nec nomine solum illustrem sed factis multo magis ac moribus S. Berylli Archiepiscopi nostri cathedram illustraturum — Et hæc est antiquissima memoria S. Berylli qui Archiepiscopus quasi ProtoEpiscopus appellatur. Altera ejus mentio potest censi illa que sæculo decimo inserta est menologio mss. græco jussu Basilii Porphyrogeniti Imperatoris collecto in quo ista habentur — memoria S. Berylli Episcopi Catanæ. Sanctus Pater noster Beryllus natus erat Antiochiæ in Siria factus vero discipulus S. Petri Apostoli est ab ea

Episcopus Catanensis in Sicilia ordinatus . . .
 et cum alia miracula eaque non pauca per-
 petrasset et ad profundam senectutem perve-
 nisset ad Christum migravit æterna ab eo vi-
 ta donatus . Venerabiles ejus reliquæ sunt in
 illa insula cum debito honore collocate , ad
 quas quicumque cum vera fide accedunt , sa-
 nitatem usque in hodiernum diem consequun-
 tur = quæ eadem sed mutata phrasi leguntur
 in mss. Sinaxario Parisiensi Claramontani Col-
 legii Societ. Jesu , et in aliis menæis tam ex-
 censis quam manu exaratis hinc latini in-
 seruerunt in martirologio Romano = Catanæ
 S Berylli qui a B. Petro ordinatus Episco-
 pus , tota igitur hujus opionionis Bollandi-
 starum probatio eruitur primo ex auctori-
 tate anonymi auctoris vitæ S. Leonis: secundo
 ex auctoritate Menologii et græcorum menæo-
 rorum . Velim tamen animadvertant 1. B. Leo-
 nem vixisse aut in fine 7. sæculi vel octavo
 sæculo ejusque vitæ , auctorem nec Berylli
 ordinationem a D. Petro nec illius Ecclesiæ
 institutionem tradidisse 2. Menologium et ex ipso
 alia testimonia receptioris ætatis esse et vi-

garem opinionem exposuisse; vetustiora enim martyrologia Romana nullam de eo faciunt mentionem. Cæterum Beryllus usque ad senectutem Confessor et sacer cultus ea ætate illi datus magnam habent suspicionem. Quapropter Bollandistæ primam correxerunt sententiam et in vita S. Marciani num. 2. hæc exhibent „ Quare de S. Pancratio noli questionem movere Tanromeniis ab extremo Italiæ cornu in Insulam trajecturo proximis; sed eodem fidei Siculis prædicatæ initio suum quoque Syracusis obtigisse Episcopum quod Messinæ, Catanæ Panormo æque principalibus Civitatibus solum contigit sæculo tertio „

§. 8.

Agrigen-
tina-

Libertinum quoque a D. Petro Episcopum Agrigentinum consecratum fuisse conjicit Gaetanus Isag. c. 18. num. 4. et 5. ex auctoritate Græci Encomiastæ Divi Marciani qui Libertinum facit coævum Peregrino martyri Marciani discipulo „ Peregrinus martyr Marciani doctrina imbutus parem mortis trium-

plum retulit enim S. Martyre et Agrigentino-
rum Ecclesiæ Episcopo Libertino „ sufficient
igitur quæ de Sancto Peregrino testatur Pa-
pebrochius ut ea quæ de Libertino traduntur
confutentur „ credi potest, inquit in vita S.
Marciani num. 9. Marcianus missus in alta
illa sub Sancto Fabiano Papa Ecclesiæ pace,
quæ præcessit Decianam persecutionem, cujus
continuatio fuit illa quæ sub Valeriano et
Gallieno sæviit a qua ne recedat is, quem
Encomiastes transcripsit, S. Peregrinus, sem-
per in plurali non singulari principes seu
Imperatores nominat: ut frustra suspicetur
Gaetanus Glossema transscriptoris esse, quod
Valerianus et Gallienus nominentur pro Ne-
rone, cum totus contextus plures exigat. Cæ-
terum dum S. Peregrini martyris acta, quæ
pro tertio Novembris habet ex antiquo codi-
ce Gaetanus cum Valeriano et Gallieno sic
conjungunt Siciliæ præfectum seu consularem
Quintianum, sub quo S. Peregrinus sit pas-
sus, sententiam nostram confirmant; quia sub
eodem paucis annis ante passa dicitur S. A-
gatha imperantibus Deciis, et hujus actis la-

cem effundunt quoad mortem Quintiani, qui sic non potuit statim post ejusdem Sanctæ martyrium interiisse. Dicit tamen potest familiare Siculis scriptoribus fuisse pro quovis præside Christianorum persecutore usurpare nomen Quintiani, sicut Biographi Hispani Dacianum, Mediolanenses Anulinum usurpant; uti coguntur omnes facere qui ad Neronis tempora attollunt martyres quos Decianæ persecutioni melius reliquerent; vel etiam Diocletiani et Maximiani temporibus. Istud vero si revera fecerunt Siculi nihil nomen Quintiani hic repertum conducet ad id quod requirebatur,,

§ 9.

Lylibetana

Exordium hujus Ecclesiæ prope tempus Apostolicum consignat Mongitorius ad Pirrum ex eo quod memoretur Eustachius lylibetanus in concilio coacto adversus Heracleonem anno 125. sed hoc concilium veluti commentum rejiciunt Eruditi quorum sententias expendimus infra ubi de conciliis. Primus igitur Episcopus hujus Urbis habendus Gregorius mar-

tyr. cuius meminit Leontius in vita Gregorii Agrigentini penes Gaetanum T. 1. pag. 205. num. 79. et penes Antonium Morcellum qui nuperrime novam editionem edidit Leontii Græcolatinam, „ Justum in carcerem conficiunt, compedibusque vinctum asservant ubi S. Gregorius Lylibetanae urbis Episcopus inclusus olim fuerat; martyrii denique palma donatus cum gladio cæsus obiisset sub Tyrcano tiranno, „ subdubitant scriptores nostri num. sub Diocletiano passus sit vel sub Vandalis. Gaetanus Isag. c. 37. n. 7. hæc habet, „ Ecclesia Lylibetana antiquissima est cuius Episcopus Paschasius St. Leonis 1. Legatus Concilio Calchedonensi præsedit an. 451. memoratur etiam S. Gregorius Martyr, in vita S. Gregorii 2. Agrigentini a Leontio scripta; nondum exploratum habeo martyr extiterit sub Vandalis an sub Ethnicis Imperatoribus, „ sed verosimilius vel paulo ante vel paulo post Pascasinum; tempus enim quo vixerit hic Gregorius non indicatur a Leontio.

Triocoli-
tana

Faciles scriptores nostri in concedenda quibuscumque Ecclesiis Apostolicitate et huic indulgent uno suffulti præsidio codicis Calabillottæ sive actorum S. Peregrini Episcopi sed esto quod Calabillotta oppidum Saracenicum eadem sit ac vetusta Triocola ex hujus subversione enata, Episcopatum habuit sub ætate Gregorii M. Acta enim S. Peregrini fabulis antiquitatis accensenda sunt sicut paulo ante demonstrasse memini, et ea quæ in ipsis referuntur id clare suadent: missio videlicet a D. Petro ad fugandos Demones, credentium multitudo vix prædicato Evangelio, vita ipsius heremitica, mors pacifica et cultus sacer Confessori indultus cæterum ante Gregorium M. altum in historia silentium.

Liparita-
na

Primus Liparitanæ Ecclesiæ Episcopus creditur Augustus qui Synodis sub Symma-

eo habitis subscribitur nam Acta SS. Alphii, Philadelphii et Cirini, quibus tanta fides ab antiquis data fuit jam fabulosa comperta sunt. V. Joannium Dipl. 4. p. 364. in append.

Myla Urbs Siciliae fuit ex Gregorio M. penes, cod. Joannis de Joan. Dipl. 156. Mylensis autem Ecclesia inter dubias recensetur a Pirro, omittitur a Cantelio, Gaetanus siculam sustinet sed ignota fatetur initia. Verum in epist. Agatonis ubi subscriptiones Episcoporum juxta provinciarum diversitatem disponuntur inter Episcopos Siciliae prima occurrit mentio Joannis Episcopi Mylanæ Ecclesiae in octava quoque synodo memoratur Xenophon Episcopus Milazzi. Dicam igitur hanc Ecclesiam siculam non Apostolicam.

Mylana

§. 12.

Primum Leontinae Ecclesiae Episcopum nominant scriptores nostri Neophitum qui tertio saeculo vixit sed primum indicatum novinus Lucidum Leontinum in epist. Gregorii M. Dipl. 247. ut in tab.

Leontina

Tyndaritanæ Ecclesiæ Episcopi memoriam eruimus ex Synodis Romanis sub Symmacho cui subscribitur Severinus Tyndaritanus et ex litteris Pelagii et Gregorii in quibus legitur Eutychius Tyndaritanus ut in tab. jam igitur hæc Ecclesia quinto sæculo enata.

De hujus Ecclesiæ Episcopatu silentium in historia usque ad octavam Synodum in cuius actis legitur Niceta Cephaludii.

Cæcutiunt qui Thermarum Episcopatum vel ex Petri transita per Thermas vel ex actis D. Calogeri repetunt. Paschalis Thermitanus Concilio Lataranensi interfuit sub Martino: nec alius ante invenitur. Num autem Thermæ himerenses vel Termæ Selinuntiae fuerint Episcopales quæstio est Gaetanus probabilius credidit Thermas himerenses quia Urbs splendidior erat.

§. 13.

Leontina

Alesam Siculam Urbem fatentur omnes: num autem Episcopalis quæstio est. Pirrus non aliam fateatur adesse notitiam quam ex

Leonis Dispositione. Gaetanus nullam de hac sede invenisse mentionem apud scriptores testatur, et alii alia quid igitur? Si Gætorum ordinibus detur fides omnino Episcopalis credenda est; et quamvis recentiores illorum Dispositiones indubium non afficiant argumentum: tamen Calumniosus Alesinus legitur in subscriptione Concilii Lateranensi sub Martino 1. et parum interest quod sint etiam Calabriæ Episcopi quia et Alesa sicula fuit et simul cum eo multi, siculi Episcopi subscribuntur Hisce adde quod in 8. Synodo subscriptum invenies post Nicetam, Cephaludii Antonius Alesinus et exinde in Græcis ordinibus: hinc non levia sunt argumenta pro Alesino Episcopatu.

§. 14.

Carinis Sicula num olim fuerit episcopalis subdubitant nostri etiam scriptores. Hujus Episcopatus meminere Concilium Lateranense sub Martino 1. Nicænum 2. Codex Beveregii et Nilus Doxopatrius. Sed dubi-

Tyndar-
tana

um oritur 1. ex eo quod actis conciliorum subscribuntur indistincte etiam Episcopi Calabrie inter quos Episcopus Camarinensis qui idem dicitur ac Cirinaensis ex eorum opinione 2. ex fide Græca quæ Episcopatus effinxit. Verum sub Symmaco invenio Camerinensem inter Episcopos sículos, absque ulla distinctione provinciarum sub Martino 1. post Siculum Alesinum Joannem Carinensem. In Nicænæ 2. subscriptionibus Episcoporum tantum Siculorum inter quos nullus adest Calaber legitur Constantinus Carinæ, apud Beveregium notatur diversitas provinciarum et Carines habetur tamquam sedes Insulæ Siciliæ sic etiam apud Nilum Doxopatrium: nec multum interest quod in ordine Leonis Sapientis inveniatur Camarina nam in textu græco dicitur etiam Carinis et hæc refertur inter solos Episcopatus Insulæ Siciliæ, nec ullus notatur ibi ex provincia Calabriæ. Igitur indicatur aut Carinis aut Camarina Sicula hæc enim olim Siciliæ Urbs et Episcopalis creditur a Mongitorio in not. ro. ad Pirum ab ætate Symmachi Papæ, sed nulla

suppetunt monumenta . Nos autem Camari-
nensem provinciae Calabriae relinquimus sed
fatemur pro Carinensi Episcopatu non adeo
levia esse et infirma documenta adeo ut inter
nostros episcopatus recenseri non absonum
est .

Albertus Piccolus Croniensem Urbem et
Ecclesiam neque scriptam neque pictam un-
quam vidisse testatur quamvis Pirrus Croni-
um Siciliae Urbem credat : hujus Episcopa-
tus eruitur ex Dispositione Leonis Sapientis
et Andronici qui etiam Drepanensem memo-
rant sed teste Cantelio, Gaetano aliisque nul-
lam aliud extat vestigium . De his igitur idem
judicium damus ac de cæteris Episcopati-
bus qui sequuntur .

Cronien-
sis et
Drepa-
nensis

§. 12.

In Ordinibus Orientalium a Leone sa-
piente usque ad Nilum Doxopatrium multæ
sane enunciantur sedes Episcopales velut avul-
sæ a Patriarcha Romano et Trono Constanti-
nopolitano addictæ . Præter igitur superscrip-

Cæteræ

tas et Gaudi et Melitæ insulas exscribuntur Didyme, Basiludium, Vulcanus, Urica aut Ustina sive Ustica insula satis nota, Tenari, Onarea, Bureauus. Quid de horum Episcopatu? Ridiculum sane est parvas Insulas aut pene inhospitas Episcopales fingere: et nemo non videt hujusmodi ordines evidentissime redolere Græcam Patriarchatum jactantiam; et cuique patet studiose compositos esse ut ostenderent majores esse et numero et dignitate sedes episcopales Patriarchæ Constantinopolitano sive Novæ Romæ subjectas, quam Veteri Cæterum quærerem unde oriatur diversitas Dispositionum ejusdem Imperatoris ut una plures altera pauciores referat Ecclesias, ut una sedes destructas commemoraret, altera extantes negligat; ut una omittat notas altera ignotas subnectat? Peterem quoque quænam fuerit notitia Episcopatum et jurisdictio Patriarchæ in Ecclesias sicutas sub captivitate Saracenica cum vix superesset ecclesiarum memoria? et quamnam fidem mereatur Nilus Donopatrius infra videbimus.

Expositis Ecclesiarum exordiis, et Ve-

teris Siciliæ Episcopatibus, prætiū operis duximus horum omnium Episcopatum tabulas adnectere quas ex Latinis græcisque codicibus excerptimus. Non enim alio consilio hanc præposui dissertationem nisi ut adjicere potuissem hasce tabulas Episcopatum, quas neglexerunt prelaudati scriptores; et non bene quidem, nam ex ipsis tota pendet sacri regiminis sub Latinis et Græcis difficilis questio.

CAPUT 2.

EPISCOPATUUM SICILIENTIUM

NOTITIA

TAB. I.

Ex Synodis Romanis

SUB SYMMACHO PAPA HABITIS

post. an. 501. habbè T. 8.

Augustus Liparitanus Severinus Tyndaritanus

Rogatus Taurominitanus Eucarpus Messanensis

TAB. II.

EX LITERIS PELAGII PAPE I

ET

GREGORII MAGNI

penes Codicem diplomaticum

JOANNIS DE JOANNE

anno 556. ~ 604.

- Dipl. 81. Maximianus Syragusanus
 56. Eucarpus Messanensis
 Gregorius Agrigentinus
 77. Victor Panormitanus
 82. Paulinus Liparitanus
 54. Elpidius Catinensis
 Dipl. 90. Lucillus de Melita
 95. Theodorus Lilybætanus
 94. Secuadinus Tauromenitanus
 102. Euty chius Tyndaritanus
 114. Petrus Trecalitanus
 247. Lucius Leontinus

T A B. 3.

CONCILIUM LATERANENSE ROMANUM

SUB MARTINO PAPA I.

celebratum an. 649. Labbè T. 10.

SUBSCRIPTIONES

Lucianus Leontiensis Peregrinus Messanensis

Felix Agrigentinus Maximus Trocolitanus
 Elias Lilybætanus Justus Tauromenitanus
 Felix Panormitanus Theodorus Tyndaritan.
 Paschalis Thermitanus Peregrinus Liparitanus
 Calumniosus Alesinus Joannes Carinensis

T A B. 4.

Epistola Agathonis, et Romanæ Synodi
 centum viginti quinque Episcoporum quæ
 fuit velut Istructio legatorum qui missi sunt
 ad synodum celebrandam anno 680. penes
 Labbè T. 11. pag. 286.

SUBSCRIPTIONES

Theodosius exiguus Episcopus Sanctæ
 Ecclesiæ Syragusanæ provinciæ Siciliæ in
 hanc suggestionem quam pro apostolica no-
 stra Fide unanimiter construximus similiter
 subscripsi.

EADEM SUBSCRIPTIONIS

FORMULA

Benedictus Ep. Ecclesiæ Messanensis

Joannes Thermitanæ Joannes Mylanæ

Petrus Tauromenitanæ Julianus Catanensis

Georgius Trioclitane Georgius Agrigentianæ

TAB. 5.

EX NICÆNA 2.

Labbe T. 13. pag. 138. anno 787.

Interpretatio subscriptionis Romanorum

Galato exiguus præsbyter, et ex persona (Stephani) Archiepiscopi Siciliæ Libenter omnia quæ præscripta sunt suscipiens subscripti.

Theodorus indignus Episcopus Catanæ

Joannes indignus Episcopus Tauromeniæ

Gaudiosus indignus Episcopus Missinæ

Theodorus indignus Episcopus Panormi

Hæc est
Tabula
quæ
citant
Scriptores
pro
Syracusa-
no Me-
tropolita

Constantinus indignus Episcopus Leontinæ

Basilus indignus Episcopus Liparetentium

Constantinus indignus Episcopus Carinæ

Theophanes Episcopus Lilybæi similiter

ALIA TABULA EX NICÆNA 2.

T. 12. act. 1. pag. 991. an. Christi 787.

Ταύμνημα τῆς ἐν Νι- Monumenta synodi a-
καία συνίδε τὸ δ'εὐτέρον. pud Nicaenam secundo
cælebratæ

ΠΡΑΞΙΣ ΠΡΟΤΗ

PRIMÆ ACTIO

Θεοδώρου ἐπίσκοπ. Κα- Theodoro Episcopo Ca-
τάνης, tanæ.

Ιωάννη ἐπίσκοπ. Ταυρο- Joanne Episcopo Tau-
μενίας, romeniæ.

Γαυδίου ἐπίσκοπ. Μεσ. Gaudioso Episcopo Mes-
σύνης, sanæ.

Θεοδώρου ἐπίσκ. Πανόρμου Theodoro Episcopo Pa-
normi.

Κωνσταντίνου ἐπίσκ. Λεον- Costantino Episcopo
τίνης, Leontinæ

Κωνσταντίνου ἐπίσκ. Κα Costantino Episcopo * Carinæ
ρίνης, Canne 2.

Ιωάννη ἐπίσκ. Τροκεάλεως Joanne Episcopo * Je-
reopoleos 1, Trocaleos

Θεοφάνους ἐπίσκ. Λιλυ- Theophane Episcopo
βαίου, Lylibæi .

Γαλάτωνος πρεσβυτέρου Galatone presbitero ,
καὶ τὸν τόπον ἐπέχον· et locum retinente *

τος * Στεφάνου ἐπίσκ. Stephani Episcopi *

* Κριστο-
φόρος

Συρακουσίων. Siracusani. Christophori

ALIA TABULA EX NICENA 2.

T. 12. act. 2. pag. 1085. et 1093.

Π' ἁγία συνοδος εἶπε

Θεόδωρος, ὁ ὁσιώτατος ἐπίσκοπος Κατάνης
εἶπε· πάσης ὀρθοδοξίας ἐμπλειὼν τὴν ἀποσταλῆ-
σαν ἀναφορὰν παρὰ τῷ ὁσιωτάτῳ πάπᾳ Ἀδριανῷ
τῆς πρεσβυτέρας Ρώμης πρὸς τὴν ἐβσεβείαν· καὶ
φιλοχρίστως Βασιλεῖς ἡμῶν καὶ μὲν καὶ Ταράσιον
τὸν ὁσιώτατον, καὶ ἁγιώτατον οἰκουμενικὸν πα-
τριάρχην, διὰ τῆς αἰγνώσεως ἔγνω· ὁ δὲ ἐκκάγα-
γετοῖς συντίθῃμι, καὶ κατὰ πάντα ζῶπον προσκυ-
νῶ, καὶ ἀσπάζομαι, καὶ ἀποδεχομαι τὰς ἐρεῖς
ἐκείνας· καὶ τὴν μὴ ἔτι φρονέοντας τοῖς ἀναθε-
ματισμοῖς ἀποπέμπωμαι, ὡς αλλοτρίους τῆς κα-
θολικῆς ἐκκλησίας.

Sancta Synodus dixit.

Theodorus Sanctissimus Episcopus Catanæ dixit: Omni orthodoxia plenam relationem- quæ missa est a Sanctissimo senioris Romæ Hadriano ad pios, et amicos Christi Imperatores nostros, sed et Tarasium alium, et universalem patriascham, per lectionem agnovi. Unde et ego his assentior, et prorsus adoro, amplector, et admitto sacras iconas. Eos vero qui ita non sapiunt anathematismis transmitto, tamquam alienos ab Ecclesia Catholica.

Joannes Sanctissimus Episcopus Tauro- menia: dixit: Cum veluti divinus orthodoxia terminus sint literæ, quæ ab Hadriano Papa senioris Romæ ad pios Imperatores, nec non, et ad Tarasium universalem patriarcham nostrum missæ sunt, ita profiteor, suscipiens sacras iconas secundum antiquam traditionem Ecclesiæ catholicæ. Eos vero, qui ita non sapiunt, anathematizo.

* Γαυ-
διώσις

* Γάυδιος ὁ ὁσιώτατος Gaudiosus Episcopus
ἐπίσκοπος Μεσσίνης Messinæ similiter.
ἐξεφώνησεν ὁμοίως :

Θεώδωρος ὁ ὁσιώτατος Theodorussanctissimus
ἐπίσκοπος Πανόρμης Episcopus Panormi
ἐξεφώνησεν ὁμοίως . similiter .

Κωνσταντῖνος ὁ ὁσιώτατος Constantinus sanctissi-
ἐπίσκοπος Λεοντίνης mus Episcopus Lon-
ἐξεφώνησεν ὁμοίως . tinæ similiter .

* Μιλήτης

Επιφάνιος ὁ ὁσιώτατος Epiphanius sanctissi-
πίσκ * Μιλήτων ἐξε- mus Episcopus Mi-
φώνησεν ὁμοίως . leti similiter .

Militorum

ALIA TABULA EX NICENA 2.

T. 13. Act. 4. pag. 153.

T. 13. Act. 7. pag. 373. an. 787.

ΟΡΟΣ ΤΗΣ ΑΣΙΑΣ TERMINUS SAN-
ΜΕΓΑΛΗΣ CTÆ MAGNÆ

καὶ οἰκουμενικῆς ἐν Νικαίᾳ ac universalis synodi
συνόδου τὸ δεύτερον secundo in
NICEA COLLECTÆ

Θεόδωρος ἀνάξιος ἐπι- Theodorus indignus E-
σκοπος Κατανης ὁμοί- piscopus Catanæ si-
ως militer.

Ἰωάννης ἀνάξιος ἐπίσκο- Joannes indignus Epi-
πος Ταυρομενικῆ ὁμοί- scopus Tauromenii
ως similiter

Γαλάτων ἀνάξιος πρεσβύ- Galatæ indignus pre-
τερος, καὶ ἐκ προσώ- shyter, et Vicarius
πυ Σεφανα ἐπίσκοπου. Stephani Episcopi
Συρακῆς ὁμοίως. Syracusæ similiter.

Γαυδιώστος ἀνάξιος ἐπί- Gaudiosus Episcopus
σκοπ. Μεσσήνης ὁμοίως. Messinæ similiter.

Θεόδωρος ἀνάξιος ἐπί- Theodorus indignus E-
σκοπος Πανόρμου ὁμοί- piscopus Panormi si-
ως militer.

Κωνστας ἀνάξιος ἐπίσκο· Constans indignus Epi-
πος Λεοντίνης ὁμοίως. scopus Leontinæ si-
militer.

Βασίλειος ἀνάξιος ἐπί- Basilios indignus Epi-
σκοπος τῆς Λιπαρίτων scopus Liparensium
νόσε ὁμοίως. similiter.

Κωνστας ἀνάξιος ἐπίσκο· Constans indignus Epi-
πος Καρίνης ὁμοίως. scopus Carinæ simi-
liter.

Θεοφάνης ἀνάξιος ἐπίσκο· Theophanes indignus
πος Λιλυβαίων ὁμοίως. Episcopus Lilybæi
similiter.

Ιωάννης ἀνάξιος ἐπίσκο· Joannes indignus Epi-
πος * Τριβάλεως ὁ scopus Trivaleos si-
μοίως. * Τρικάλως militer.

TAB. 6.

EX SYNODO 8.

Niceta Cephaludii Antonius Alesinus
Gregorius Messanensis Eutimius Catanæ
Zenophon Milassi

T A B. 7.

Fragmentum dispositionis de Patriarcatu
Constantinopolitano sub Imperatore Leone
Sapiente an. 886. penes codicem Joannis de
Joanne pag. 341. ex Auberto Miræo.

Catanensi Metropolitæ nullus subest Thronus

Sub Syracusano metropolita Siciliæ.

Tauromenitanus Messanensis Agrigentinus
Croniensis Lilybæi Drepani Panormitanus
Thermarum Cephaludiæ Alesæ Tyndarii Meli-
tensis Liparensis.

Preter has Metropoles ejusdem Leonis
ævo, et triginta octo Archiepiscopatus Pa-
triarchæ Constantinopolitano erant subjecti
quos enumerans decimo Septimo loco ponit.
Messanensem Ecclesiam in Sicilia.

BEVEREGIUS T. 2

IN ANNOTATIONIBUS

Ad Canonem 36. Conc. Trullani pag. 135.

Τ Α Ξ Ι Σ

Προκαθεδρίας των ανωτάτων πατριαρχών· α' Ο Ρωμης· β' Ο Κωνσταντινουπόλεως· γ' Ο Αλεξανδρείας· δ' Ο Αντιοχείας· ε' Ο Αιλίας Ττοι Ιεροσολυμών.

Ordo præsidentiae Sanctissimorum Patriarcharum

1. Romanus 2. Constantinopolitanus 3. Alexandrinus 4. Antiochenus 5. Eliensis sive Hierosolimitanus.

Ordo præsidentiae Metropolitanorum, et Autocephalorum, et Episcoporum sub Apostolico Trono a Deo custoditæ hujus, et Imperialis urbis (Constantinopoleos) agentium.

Avulsi sunt autem, et a Romana diœcesi
Throno Constantinopolitano nunc subjecti Me-
tropolitæ, et qui sub iis sunt Episcopi.

2. Syragusæ 4. Rhegii

Hi adjecti sunt Synodo Constantinopoli-
tanæ; Propterea quod Papa veteris Romæ
sub gentibus detectus est. Sicut et ab Orien-
tali diœcesi avulsus est Metropolita Selenciæ
Isauriæ, et ipse cum suis viginti quatuor
Episcopis sub Constantinopolitano agit.

Provincia sub Gloriosissimo
Eparcho Romæ sive Italiæ.

Provincia Utlicariæ Romæ
(enumerat 22. Episcopatus)

Provincia Campaniæ
(alias 22.)

6. Messina

Συρακουσα	1 Siragusa	
Κατανη	2 Catana	
Τιροσένιον	3 Terebenium	
Σεσήνη	4 Sesena	
* Κεφαλ οιδίς	* Χεφαλούδιον	5 Cephaludum
Θερμούν	6 Thermum	
Πανορμος	7 Panormus	
Λιλυβειον	8 Lilybæan	
Τρκαλις	9 Trocalis	
Ακραγαντος	10 Acragantis	
Τυνδαρών	11 Tyndarum	
* Καμαρίνη	Χαρίνης	12 Carines
* Λεόντιον	Λεοντινί	13 Leontina
	Αλουσις	14 Aleusis
	Γαυδός	15 Gaudus
	Μελίτη	16 Meleta
	Λίπαρις	17 Liparis
	Βιρκαυσος	18 Burcausus
	Δίδυμοι	19 Didymi
	Ούρικα	20 Urica
	Τα Ονάρια	21 Onaræa
	Βασιλούδιον	22 Basiludiu

NOTITIE

Græcorum Episcopatum

A LEONE SAPIENTE

ad Andronicum Palæologum

A P. Jacobo Goar Ord. Prædic. collectæ et
recenter editæ apud Scriptores Byzantinos

T. 10. Pag. 291.

Ordo præsentia

Sanctissimorum Patriarcharum

- | | |
|---------------------------------|----------------|
| 1 Romanus | 3 Alexandrinus |
| 2 Constantinopolitanus | 4 Antiocheus |
| 5 Eliæ urbis sive Ierosolimarum | |

Ordo præsentia Metropolitanarum et
sui juris Præsulum, et Episcoporum.

Huic a Deo Servatæ, et urbium Regi-
næ civitatis Apostolico Throno subjectorum.

Sequuntur 34 Metropolitæ

Hucusque Metropolitæ sequuntur itaque
deinceps, qui proprii sunt juris, et nullum
in subditos exercent.

Postea 76 Archiepiscopi et 33 Provinciæ

Sunt vero a Romana diœcesi avulsi,
qui nunc Throno Constantinopolitano subja-
cent Metropolitæ et eis subjecti Episcopi.

Sequuntur 8 Metropolitæ

2 Siragusæ

4 Rhegii

Isti Synodo, et Ecclesiæ C. P. veteris
Romæ Papa a gentilibus detento sunt adjun-
cti, ab Orientali diœcesi sejunctus pariter

fuit Selenciæ Isauriensis Præsul idempne cum
viginti quatuor sibi subjectis Episcopis C. P.
Patriarchæ subditur.

Provincia glorióssimo Romæ
sive Italiæ Primati Subjecta

Provincia Urbicaria sequuntur urbes 22

Provincia Campaniæ urbes 22

6 Messana

Νῆσος Σικελίας

Insula Siciliæ

Συράκουσα	Syracusæ
Κατάνη	Catana
Ταυρομένην	Tauromenium
Μεττήνη	Messana
* Κεφαλοῳδίν	Cephaledis
Θερμῶν	Therme
Πανόρμος	Panormus
Λιλυβέιον	Lilybæum
Τροκαλίς	Trocalis sive Triocola

Αγρίγας	Agragas	
Τυνδαριον	Tyndarium	
* Καμαρίνη	Camarina	
* Λεόντιον	Leontium	
Αλέσις	Alete sive Alæsa	
Γαυδος	Gaudos	Gozo ad Melitam
Μελίτη	Melita	
Λίπαρις	Lipara	Insula Æoliz
Βερκάνος	Vulcani Insula	
Δίδυμοι	Didyme	
Οὔστικα	Ustica	
Τα Ουαρία	Ouarea	
Βασιλῦδιν	Basiludium	

Hec Expositio facta est anno 6391. (891)
 Sub Imperio D. Leonis Sapientis et
 sub Patriarcha Photis

TAB. 10.

PATRIARCATUS

Constantinopolitani

Ordo sedium Metropolitaram

(sequunturque provinciæ)

Ab his Archiepiscopi
Provincia Insulæ Siciliæ

Autocephalorum Archiepiscop.

45 Provincia Siciliæ Catanes

TAB. 11.

T. 16. pag. 319.

Ordo Metropolitaram
prout descriptus est in Cartophylacio, et
quot Episcopi subsint Metropolititis

(post 9. provinciās)

Provincia Siciliæ

Syracuse
Catanes

Lilobii sive Lilybæi
Trocaleorum

Tauromenii	Agraganti
Mesones sive Messanæ	Tyndarii
Cephaludii	Leontines
Thermarum	Aleses
Pomormi	Melitæ

TAB. 12.

Ordo dispositus per Imperatorem Leonem sapientem, quem locum et seriem habeant Throni Ecclesiarum Patriarchæ Constantinopolitano subjectarum.

Metropoles (80) 44 Catana

Archiepiscopatus 39 (17) Mesene

TAB. 13.

pag. 342. T. 16.

Ordo præsentitiæ Metropolitanarum Apostolico Constantinopoleos Throno Subjectarum, et Episcoporum his inferiorum.

Thronus quadragesimus quartus

Catanæ Trono nullus reperitur subjectus

A Romana vero diœcesi avulsi sunt nunc
vero Constantinopolitano Throno subsunt
Metropolitæ et ejs subjecti Episcopi.

2. Syragusarum

Syragusarum Sicilæ

1 Tauromenii	8 Thermarum
2 Messanæ	9 Cephaludii
3 Agragantis	10 Aletii
4 Cronii	11 Tyndarii
5 Lilybæi	12 Melittes
6 Drepani	13 Liparæ
7 Panormi	

TAB. 14.

Expositio Imperatoris Domini Andronici Palæologi senioris, quem locum nunc

M

teneant Metropoles quæ Constantinopolitano
Throno subjectæ sunt.

(enumerat 509. Metropoles)

36. Catanæ post quadrag. quartum locum
ad quinquag. sept. deducta est.

TAB. 15.

Penes Scriptores Byzantinos T. 21. pag.
195. l. 8. opera et studio Domini Anselmi
Banduri collecta.

Expositio nova Andronici Imp. qui Me-
tropoles Constantinopoleos alias e minoribus
ad majores extulit alias e diverso ad mino-
res Thronos deduxit sicut eas hic notavimus.

(Metropoles 109.)

Catana Thronus fuit 44. ac Affecta est 57.

TAB. 16. Pag. 202. T. 21.

Catalogus Episcopatum quorum singuli
 matricibus Urbibus subiciuntur qui nunc ex
 parte supersunt eorum vero plurimi exoluerunt.

13 Syracusis Siciliæ subicitur

- | | |
|--------------------------|--------------|
| 1 Episcopatus Tauromenii | |
| 2 Messanæ | 8 Thermarum |
| 3 Agrigentii | 9 Cephalædii |
| 4 Acronii | 10 Alesæ |
| 5 Lilybæi | 11 Tymderii |
| 6 Drepani | 12 Melitæ |
| 7 Panormi | 13 Liparæ |

TAB. 17

Nilus Archimandrita Cognomento Do-
 xopatrius de quinq. Thronis Patriarch. anno
 1140.

Syracusæ Siciliæ habens Episcopos viginti
 unum

- | | |
|-----------|--------------|
| 1 Cataniæ | 2 Tauromeniæ |
| M 2 | |

- | | |
|----------------|--------------|
| 3 Messanæ | 13 Alesæ |
| 4 Cephaludii | 14 Gaudi |
| 5 Thermarum | 15 Melitæ |
| 6 Panormi | 16 Liparis |
| 7 Lilybæi | 17 Vulcani |
| 8 Trocalorum | 18 Didymi |
| 9 Acraganentis | 19 Ustinæ |
| 10 Tyndaris | 20 Tenari |
| 11 Carinæ | 21 Basiludii |
| 12 Leontines | |

Leo Allatius l. i. c. 24. Fabricius Bibl. T. 5.

CAPUT 3.

DE STATU ECCLESIAE SICULAE

PER OCTO PRIORA SÆCULA

§. 1.

Ut bene intelligatur disciplina quæ per octo priora Sæcula in Sicilia obtinuit, non abs re judicamus quænam fuerit conditio temporum quæque sub Ecclesiæ initiis facies rerum breviter innuere. Prima sane Religionis incunabula cruenta admodum extitere sævientibus Ethnicorum in Christianos persecutionibus: cultus enim divinus interdictus, fidei professio horrendis punita suppliciis Episcopi vel speluncis abditæ vel carceribus detenti vel martyrio coronati, coniectaque sanguine impleta. Sed ad cognoscenda Ecclesiæ nostræ primordia et sincera martyrum acta, non parum interest inquirere quænam Principum persecuciones in Siciliam grassatæ fue-

Statu
Ecclesiæ
Siculæ

runt; non eo quidem animo quo Dovvells Cyprianicam edidit ad numerum et gloriam martyrum minuendam, quæ satis erudite redarguit Ruinart Præf. ad act. Mart. sed ut vera a falsis dubia ab indubiis seceramus et certiora fiant primæ disciplinæ capita.

§. 2.

Sub Et-
haicis
Impera-
toribus

Primus qui in Christianos sæviit Nero fuit Domitius cujus persecutione totus concussus orbis; sed num etiam in Siciliam sævierit in obscuro manet quamvis Scriptores nostri et persecutionem admittant et martyres sub Nerone defendant ob auctoritatem græci Encomiaste S. Marciani et ob acta nonnullorum Sicularum martyrum. Verum Papebrochius die 14. Junii sicut adnotasse memini ex textu græco probavit non Neronem legendum sed Valerianum et Gallienum acta vero ss. Martyrum quibus illorum sententia innititur veluti commenta rejiciunt Bollandistæ et æruditi; præter hæc quæ nulla sunt nihil aliud in Historia argumentum Do-

mitiāni persecutio quo ad Siciliam incerta est.
 Illa autem Trajani secundo sæculo efferebuit
 quæ prima creditur quoad Iusalam nostram
 et Pancratium Tauromenii Episcopum mar-
 tyrem occubuisse sustinent nostrates ex Nice-
 phori historia : quamvis martyres Messanen-
 ses a Morabito huic addicti persecutioni ipse
 de Angelis explodit . Certus omnino est A-
 driani in Siciliam adventus sed ipsius in Chri-
 stianos Siculos crudelitatis nullum indubium
 argumentum . Mox Marci Aurelii , Lucii Ve-
 ri , et Severi odium exarsit sed paucos fuis-
 se Martyres ipse testatur Gaetanus . Maximi-
 ni exinde persecutionem scriptores non uni-
 versalem censent quamvis apud nos plures
 enumerentur Martyres ex actis ss. Alphii Phi-
 ladelphii , et Cirini ; sed cum hæc supposi-
 tiā sint nihil certi eruere possumus . Super om-
 nes adversus Siculos sævierunt Decius , Valé-
 rianus et Gallienus ac potissimum Diocletia-
 nus , sub quibus immanissimis hostibus rem
 Christianam Insulamque nostram illustrarunt
 maxima Ecclesiæ Siciliensis ornamenta Ma-
 milianus , Marcianus , Agatha , Euplus Lu-

cia, aliique quorum memoriam non neglexit antiquitas. Animadvertendum igitur est Martyres Siculos si paucos demas ad horum Imperatorum ætatem rejiciendos esse et acta quæ prædicantur antiquiora suspectæ fidei esse. Consule inter Bollandistas Papebrochium ad Sanctos Siculos. Gaetanum Isag. c. 2. De Angelis de Persec.

§. 3.

SubWan-
dalis

Vix Constantini conversione requieverat a malis Insula cum Sæculo quinto Wandalarum nimbus intonuit: ipsi enim pervastata Italia Siciliam aggressi sunt cunctaque igne ferroque consumserunt: quod ex Salviano eruitur, Wandalos Siciliæ civitates partim diripuisse partim solo æquasse, „ quapropter certo scimus non defuisse confessores et Martyres sed eorum memoria temporum injuria periit; nam Victor vetustissimus scriptor, de Wand. Pers. tradidit de Genserico, „ quæ in Sicilia gesserit melius ibi ipsi quæ passi sunt miserabiliter lugenda narrabunt, „ et, quidē

plura coævis Episcopis narravit qui plura passus est insigne Ecclesiæ Siculæ decus Pascasinus Lilybætanus Episcopus quem Leo Magnus ejus miseratus casus suis litteris consolatus est.

§. 4.

Perperam Gaetanus inter persecutores Ecclesiæ Gothos recenset cum exploratum sit Teodoricum primum eorum regem in Italia; amantissimum æqui fuisse adeo ut magni Principis nomen meruerit, sicut ex Cassiodoro, et innumeris quæ supersunt monumentis patet V.Cod.Joan de Joanne in dipl. Teodorici. Hic igitur Rex Italiam ingressus, expulsis Wandalis, Regnum non usurpavit sed Zenonis Imperatoris consensu armis acquisivit; quo potitus, non nova jura invexit, sed vetus jus Romanum servavit eodemque magistratus idemque regimen quo prius gubernabatur Italia custodiri jussit Quamobrem ipsi congratulabatur Gelasius Papa, si fides Gothofredo in proleg. ex Gelasii P. Ep[iscop]i. in

Sub Gothis

decr. Juonis p. 1. c. 18. ad Teodoricum „
 Certe est magnificentiae vestrae leges Romanorum Principum, quas in negotiis hominum custodiendas esse praecepit, multo magis circa B. Petri Apostoli sedem pro suae felicitatis augmento, velle servari „ Gothorum insuper mores, et si fides ariana, honestissimi erant teste Salviano qui ex hoc ipso catholicos arguebat „ impudicitiam nos diligimus. Gothi exacrantur etc. „ V. Jannonium T. 1. l. 3. Gothi igitur inter persecutores Ecclesiae enumerari non possunt nec revera ullam Ecclesiasticam vel politicam perturbationem invexerunt si paucas demas gothicas consuetudines vel quaedam peculiaria facta. Monendum quoad hanc primam aetatem quod si fuerint exinde quaedam barbarorum incursiones in quibus et martyres occubuerint non ideo persecutiones totius Ecclesiae Siculae existimandae.

§. 5.

Martyres

... Sicutum sane martyrologium magna syt-

ra quia Scriptores nostri tum ob male intel-
 lectam in Ecclesiarum fundatores reverentiam
 tum ob nimium erga propriam Patriam amo-
 rem, Ecclesias prædicarunt Apostolicas, mar-
 tyres fundatores. Et sicut acta sincera marty-
 rum et Sanctorum veterum vitæ a coævis scriptæ
 auctoribus perierunt uti constat de actis S.
 Pancratii ab Evagrio scriptis hinc Biogra-
 phi mediæ ætatis nova substituerunt efficta et
 ea ipsa quæ naufragium infidelium vastatio-
 nis evaserant, corrupta et mixta fabellis edi-
 derunt. Quapropter Papebrochius in vita S.
 Marciani die 14. Junii ut supra attulimus ita
 scripsit „ quæ antea non magis frugum,
 quam fabularum ferax fuit Insula talis etiam
 fuit post inductam Christi fidem, ut probant
 tot vitæ Saactorum græca verbositate et fide
 Auctoribus non suis suppositæ, Et jure qui-
 dem meritoque nam post Metaphrasten quæ-
 dam pia fraus invaluit et prodigiosæ modus
 enarrationis: hinc primos Episcopos Aposto-
 licos et martyres, subitam infidelium conver-
 sionem, templa primo Sæculo et secundo
 decenter constructa, cultum Imaginum et Cor-

fessorum, vitamque monasticam effinxerunt: et mirum sane quod usque ad ultimam ætatem defensa legamus figmenta mediæ ævi epistolam B. Mariæ Virginis ad Messanenses, vitam S. Philippi Argyrensis ab Atanasio, et ab Eusebio Monacho scriptam, Acta S. Peregrini, Acta SS. Alphii, Ppiladelphii, et Cirini et alia hujus furfuris, aut penitus ficta, aut corrupta et erroribus refercta, ex quibus non pauci errores in historiam et disciplinam Ecclesiæ Siculæ irrepserunt Octavius Gaetanus magnum opus martyrologii corrigendi suscepit sed ars critices nondum invaluerat et res ex voto non cessit, nam acta fabulis, mendisque quibus scatebant haud ipse purgavit nec spuria exposuit nec anacronismos correxit. Utinam in lucem prodeant Dissertationes mss. a Joanne de Joanne exaratae de correctione Pirri et Gaetani quoad martyrologium Siculum quas inter legalia volumina sepultas iaveni et distincto loco reponui.

§. 6.

Ut statum Insulæ nostræ per priora sæcula facilius intelligamus et inde fontes disciplinæ Ecclesiæ Siculæ clarius eluscant inquiramus oportet num Insula inter suburbicarias provincias Vicarii Urbis Romæ ideoque et Ecclesia nostra inter Suffraganeas Romani Metropolitæ recenseretur Hanc de Patriarchatu et Provincia Romani Pontificis primus excitavit quæstionem Romanæ Sedis inimicus homo Salmasius et gravis exarsit inter ipsum et Sirmondum contentio. Ille igitur Pontificis auctoritatem parem ac Præfecti urbis sustinuit et eandem Diæcesim utrique tribuit, quam tamen non ultra centesimum ab Urbe lapidem produxit et hic omnis erat Patriarchatus Pontificis: hæc autem diæcesis ex ejus sententia quatuor tantum provincias continebat quæ urbicaræ vel suburbicaræ dicebantur: et ita iisdem limitibus coerceretur Pontificis potestas sicut illa Præfecti Urbis. Hanc Salmasii fabellam satis erudite expolit Sirmondus de Suburb. Reg. Et sicut enatae sunt

Regimen
politicum
Siciliæ

Sicilia
Romæ
Suburbicaria

Opinio
Salmasii

ex hisce principiis variæ opiniones quæ jus Pontificis Patriarchicum et metropoliticum jam diu constitutum destruunt et plurimarum Ecclesiarum regimen illius ætatis et potissimum Insulæ omnino confundunt, propterea nostrum erit rem ipsam breviter pertractare.

§. 7.

Aliorum

Canonicus Stephanus Dichiaræ nuper edidit memoriam de consecratione Episcoporum Sicilientium, in qua Cap. 8. sustinuit non fuisse a Constantino M. inter provincias suburbicarias Siciliam recensitam 2. nec Siculam Ecclesiam Pontificem habuisse Metropolitanam, ut inde probaret Siciliam veram fuisse diocesis et proprio Metropolitæ subditam vel potius aliquo modo ad Orientem quam ad Occidentem pertinuisse Primam propositionem quam exposuit Joannes Joannii in nota addipl. 10. comprobatur lege Constantii Imperatoris et Juliani in epistola ad Taurum Præfectum, exemplo Africæ debent fundi patrimoniales et enphyteutici per Ita-

liam constituti ab extraordinariis omnibus excusari. Non enim per Italiam tantum, sed etiam per urbicarias regiones, et Siciliam patrimonialium et enphyteuticorum fundorum vires servandas esse perspeximus l. 9. Cod. Teod. de extr. et sord., Ex hac lege eruitur. 1. quatuor fuisse diœceses Africam, Italiam, regiones urbicarias, et Siciliam Præfecto Taurro commissas, 2. hasce diœceses inter se distinctas 3. Siciliam non provinciam suburbiariam sed diœcesin 4 regimen istud jam ab ætate Constantini M. inductum et usque ad hanc Constantii legem observatum et ultra. Sic igitur auctor hisce propositionibus aperit sibi viam ut adstruat per illam ætatem fuisse in Sicilia quemdam Primatem ut in Africa non Episcopos Romano metropolitæ suffraganeos. Sed damus petimusque vicissim hanc veniam ut suam quisque sustineat sententiam et ab aliorum recedere liceat.

§. 8.

Ad refellendam hanc opinionem jam dictam

Consutur

explosam sedula et accurata utimur Historia Petri Josephi Cantelii Metropolitanorum urbium civili et Ecclesiastica in qua passim Imperii et Ecclesiæ regimine explanando Salmasii aliorumque auctorum errores docte et erudite refellit.

Imperii
Divisio

Partitio igitur Romani Imperii in Orientalem et Occidentalem antea designata tandem a Constantino M. perfecta et constituta fuit et a successoribus renovata.

Constantinus divisit Romanum Imperium in quatuor partes: Oriens et Illiricum erant partes Orientales. Gallia et Italia partes Occidentales, quatuorque subditæ Præfectis prætorio, et unaquæque in plures dividebatur. Diæceses: Oriens quinque Diæceses habebat, Orientalem, Egyptiam, Asianam, Ponticam, et Traciam, sub uno Præfecto Illiricum duas Macedoniam, et Daciam sub alio Præfecto. Imperium Occidentale constituebant Gallia et Italia: Gallia ex tribus Diæcesibus constabat Gallica, Hispana, et Brittanica, et aliis tribus Italia sive Italica Illirica et Africana: Illiricum enim sub Gratiano et Theodosio in

duas partes divisum fuit, et una Orientali altera Occidentali Imperio tributa. Diœceses istæ ex pluribus provinciis coalescebant. Septem igitur Orientis diœceses duobus Præfectis: sex Occidentis aliis duobus subiciebantur: unaquæque diœcesis Vicario suberat, et quælibet provincia Præsidem habebat, vel Comitem Proconsulem, Correctorem, sed Africa non Vicario sed Proconsuli subjecta sicut et nonnullæ aliæ diœceses. Omnis autem Italia suberat Præfecto Prætorio, qui eam in duas diœceses divisam per duos Vicarios gubernabat unum Romæ alterum Mediolani, hic dicebatur Vicarius Italiæ, ejusque provinciæ Italiæ provincie. Ille Vicarius Urbis ejusque provincie Urbicariæ, et Suburbicariæ dictæ sunt. Quæ vero fuerint provincie Urbicariæ Vicario Romano subditæ ex ipsa Imperii notitia Constantini Magni discimus sicut et quæ hætenus exposuimus. En verba, sub Dispositione V. S. Vicarii Urbis Romæ provincie infrascriptæ, Consularis Campaniæ, Tusciæ et Umbriæ, Piceni suburbicarii, Siciliæ: Corrector Apuliæ et Calabriæ, Bru-

tiorum et Lucaniæ, Præsides Samnii, Sardiniae Corsicæ Valeriæ,, decem igitur ad Vicarium Romæ septem aliæ ad Vicarium Italiæ pertinebant. Hæc omnia invenies apud Cantelium in descriptione Rom. Imp. p. 2. diss. 6. c. 1. et apud Sirmondum Dupinium de suburb. region. l. 1. c. 7 de ant. Eccl. disc. diss. 1. et 2. Jannon. T. 1. l. 2. c. 1. aliosque quamplurimos. Ex hac Imperii divisione jam ab Adriano inchoata, et a Constantino perfecta, certum est Siciliam urbicariam fuisse ut patet. Exploratum quoque est hanc divisionem Imperii post etiam Costantium, et Julianum perdurasse, imo notitiam cujus meminimus, peractam post Costantium sub Theodosio credunt eruditi; nec ulla per hanc ætatem immutatio memoratur. Quid igitur erui potest ex lege Costantii ad Taurum præfectum quæ distincte præter urbicarias provincias Siciliam nominat? nihil equidem. si enim certum urbicariam fuisse Siciliam ex præhabitis nec ullum sit vestigium apud veteres hujus diæceseos parum refert distincte nominari et causam quæcumque fuerit igno-

marit cur sic indigitata vel cur à penderidis
 extraordinariis exempta. Cæterum ipse Joan-
 nius qui in nota ad Dipl. 10. videtur Gotho-
 freddi sententiam sequi, clarissime tum de div.
 off. c. 5. cum diss. 2. ad Dipl. sustinet Si-
 ciliam inter suburbicarias provincias compre-
 hensam fuisse.

§. 9.

Vetus re-
 gimen
 Ecclesiæ
 Siculæ

Altera præfati auctoris alioquin docti pro-
 positio, quæ ex prima profluit est illa quæ
 sustinet non satis constare Romanum Ponti-
 ficem Siciliæ Metropolitam fuisse et probabi-
 lins videri Siciliam Primatem quemdam sicut
 Africam sibi propriam habuisse, qui jure
 metropolitico frueretur; immo eo usque va-
 ticinatur ut Siciliæ Episcopos credat potius
 Orientalibus quam Romanæ sedi adhæsisse
 per totum quartum Sæculum. Hanc propo-
 sitionis novitatem tribus adstruit conjecturis
 quod in Sicilia Synodus habita fuerit ob ad-
 ventum Episcoporum ex Lampsacæ redeun-
 tum 2. ob nostrorum præsulum adhæSIONEM

Episcopis Orientalibus et Conciliis 3. ob Orientalem disciplinam ut ex solenni baptismo in vigilia Epifaniæ more Grecorum ostendit: hinc conjiciendo definit Siciliam nec urbicariam provinciam Vicario Romano subditam, nec Ecclesiam Siculam Romano metropolitæ usque ad Leonem M. qui primus post Wandalicam persecutionem Siculos Episcopos Romanæ sedi metropoliticæ addixit.

§. 10.

Primas.
Italiæ Ro-
manus.

Hanc opinionem discutiamus oportet ut magis status Ecclesiæ Siculæ per hanc ætatem innotescat. Animadvertendum igitur primo est Insulam nostram jam ab initio Romano Imperio Occidentali adscriptam fuisse sicut exploratum novimus ex ipsa Imperii notitia, ex monumentis historicis illius ævi, ex legibus Imperatorum per Praefectum prætorio Italiae indictis donec lapso Imperio Occidentali Belisarius Justiniani Imperatoris dux Insulam Gothis ereptam in Graecorum imperium redegit V. Gaetanum Isag. c. 4. num. 9. Cantelium cap. de Sicilia, Jannonium l. 1.

secundo Civili politiae respondebat ut plurimum ecclesiastica ideoque diaecesibus quibus praeerant Vicarii civiles praeerant Primates Ecclesiastici : sed non semper Ecclesia suam politiam civili conformabat , nec semper diaecesis Vicario parebat sicut Africa non Vicario sed Proconsuli nec omnis diaecesis Primatem habebat sicut Mediolano non Primas sed Metropolitam praeerat , ut jam adnotasse memini . In Italia igitur duo erant metropolitani Romanus et Mediolanensis unus tamen primus romanus Pontifex,, qui hanc,, inquit Cantelius Diss. 6. c. 3. primatus dignitatem Romano Episcopo detrahat, nemo est, nisi aut haerescos contactus labe , aut litterarum omnino rudis, saepe enim Galliae, Hispaniae Africae primates legere est , Italiae nusquam praeter Romanum Pontificem ,

§. 11.

Provinciae igitur sicut Vicario urbis sic Metropolitae romano parebant excepta Sardinia cujus Lucifer Calaritanus tanquam Sardi-

Nullus in
Sicilia

nizæ metropolita ab Atanasio, Teodoro et
Cassiodoro memoratur et ex litteris Gregorii
M. exploratum est. Siciliam autem si defen-
di posset metropolitanum aliquem aut prima-
tem habuisse et ipse defenderem sed ne qui-
dem ullum in Historia suppetit monumentum
immo contraria prostrant argumenta et ea quæ
assert hic novus assertor leves pene sunt et ina-
nes conjecturæ: Synodi quæ indicantur sive
nationales sive alio quocumque nomine distin-
guere volueris in tanta hæresis Arianae pertur-
batione celebratæ semper sicut in quavis Ec-
clesia ita in Sicilia habitæ sunt pro rebus ex-
traordinariis quas etiam legimus sub ipsa æ-
tate Gregorii M. nihil inde inferendum. Nec
mirum si Episcopi Synodi Lamsacenæ obte-
ntis a Liberio Papa communicatoriis litteris
per Siciliam transeuntes easdem litteras ex-
postulaverint a Siculis Episcopis: illis enim
difficillimis temporibus in quibus et plurimi
Episcopi a fide defecerant et plurimi sicut et
Legati Lamsaceni Nicenam fidei professio-
nem simulabant, bonum ipsis visum est re-
deuntes in Orientem per Siciliam hucusque etiam

Sicilorum Episcoporum muniri quorum fidei integritatem noverant Orientales . Sed cur , inquires , habitis litteris a Romano Pontifice et metropolita nomine totius Occidentis , Siculos suffraganeos Episcopos consuluerunt ? nisi quia alterius metropolitæ vel primatis auctoritatem quærebant qui in Sicilia degebat : Ut facile innotescat quam falsa sit hæc illatio . velim animadvertas , Legatos Lamsacenos non huc adventasse ut sibi litteras metropoliticas compararent ; si enim illorum hæc mens fuisset Sardiniam , Galliam Hispaniam Africanam quoque peragrassent , et Synodo Tianensi omnium litteras exhibuissent non Siculorum Episcoporum et Pontificis solum Auctoritate contenti ipsorum tantum epistolas in Concilio perlegerunt . Si ergo omissis primatibus Occidentis testimonium a nostris Episcopis expostularunt non alia fuit causa : nisi quia per Siciliam transeuntes , ut moris erat occurrentes Episcopos certiores facerent de fide quam profitebantur , ut communionem reciperent , de causa itineris , et de hæresi quæ per Orientem grassabatur : et ita

habita extraordinaria Synodo litteras communicatorias indulserunt tanquam testimonium fidei unitatis Ecclesiae Siculae. Remigitur colligam 1. ex habita Synodo non probari Siciliam metropolitam habuisse quia quaelibet Ecclesia suas habuit Sinodos extraordinarias sicut et Sicula sub ipsa aetate Gregorii M. ut infra 2. consuli possunt et debent suffraganei Episcopi praeter metropolitanum quia hic nil habet prae caeteris suffraganeis in rebus definiendis nisi jus indicendi Synodum et praesidendi: si autem loquatur de Romano Pontifice, quid majoris auctoritatis, posito decreto Liberii Papae nomine totius Occidentis, Synodus Sicula attulisset etiam cum metropolita? nisi testimonium fidei Ecclesiae Siculae?

§. 12.

NumEcclesia
Sicula Graecis
subdi-
ta

Conjcit exinde Siculam Ecclesiam potius Orientalibus addictam fuisse quam Romanae Ecclesiae ex eo, quod legimus Capitonem Siculum fidei Nicenae defensorem ab Atanasio commendatum aliosque nonnullos qui Conci-

liis Orientalibus iuterfuere quos habes apud Gaetanum Isag. c. 36. Quid inde forsitan ex eo metropolitana erat Sicilia? et Siculus Metropolitanus Orientis Patriarchæ subditus? aut potius primati Africano quia Atanasius ad Afros scripserit? sæpe conjectando erratur. Quid opus ariolari cum historia claram supeditat explicationem. Constantinus vocavit Chrestum Syracusanum aliosque duos secundi ordinis ad Arelatense concilium plenarium et ipse Constantinus congregavit Nicæ Episcopos totius orbis inter quos erat Siculus Capito, qui fidem adversus Arianos vindicavit. Et quid mirum in tanta Ecclesiæ fluctuatione ob præpotentem Arianorum et Semiarianorum hæresim invenire Episcopos in Oriente? nunquid Siculi non erant Episcopi in partem sollicitudinis vocati? Cæterum, exploratum est, sive ex munere consecrationis sive ab Ecclesiæ fundatione Siculam Ecclesiam ad Orientem non potuisse pertinere: si autem ob Historiæ inopiam monumenta quædam desint, antiquitatis obscuritas per insequentia facta explicatur ut infra videbimus.

sciplinam affectantes : sed tantum novitatis ,
et ex totius æpistolæ contextu satis clare erui-
tur , Pontificem habita notitia Episcopos re-
prehedissee eorumque decessores quia inducta
novitate disciplinæ a Romanis institutis qui-
bus adstringebantur non sine piaculo reces-
sissent , vos inquit Leo M. ab Apostolicæ
institutionis consuetudine discrepare , ita ut
b ptismi sacramentum numerosius in die Epi-
phanie , quam in paschali tempore , celebretis :
miror v s , vel prædecessores vestros
tam irrationabilem novitatem usurpare potuis-
se : in quam culpam nullo modo potuissetis
incidere , si unde consecrationis honorem ac-
cepistis , inde legem totius observantiæ su-
meretis ; et B. Apostoli sedes , quæ vobis sa-
cerdotalis mater est dignitatis , esset Eccle-
siasticæ in gistra rationis , a cuius vos regulis
recessisse minore posset æquanimitate tolerari ,
si aliqua admonitionis nostræ increpatio præcessisset : nunc autem quia non des-
peratur correctio , mansuetudo servanda est ,

Anno igitur 440. electus fuerat Leo Magnus Pontifex, eodem anno accidit persecutio Vandalica: anno 447. Leo scripsit hanc Epistolam, ex ejus hypothesi jam pacata erat persecutio, et jam Leo Magnus primus erat Siciliæ metropolita: cur ergo paucis annis ab instituto novo jure metropolitico, Pontifex tam acriter reprehendit non solum viventes Episcopos sed etiam decessores? quænam erat causa quærimoniæ in Gregorium martyrem aliosque mortuos Episcopos qui ante Leonem Magnum, immo ante novum regimen inductum suis præerant Ecclesiis, et ex ejus hypothesi non suberant Romano metropolitæ sed vel acephali, vel suo Siculo metropolitano vel græco Patriarchæ subjecti, suis gubernabantur legibus? si præterea decessoribus etiam imputabatur ad culpam ritus ille noviter irreptus a Romano diversus quia munus consecrationis a Romano Pontifice sive a Leone primo acceperant; a quonam Paschasius, qui in persecutione fuerat Gregorius alii-

que Dēcessores quos redarguit acciperunt? et unde jam antea Innocentius primus testamentum reliquerit tamquam manifestum nullum in Sicilia præter divum Petrum ejusque Successores Episcopos constituisse. Nunquid excidium a Vandalis illatum mutati regiminis causa fuit? sed gratis asseritur nec Africa nec multæ Italiæ provinciæ easdem excursionēs passæ formam politiæ commutarunt: nec omnino verum ante annum 447. in qua scripta Epistola sedatam fuisse persecutionem nam ultra recruduit ad oram lybici maris. Cæterum hujus ætatis plura suppetunt monumenta et tamen ne ullum quidem verbum nec in Epistolis Leonis Magni nec Paschasini, nec apud Scriptores Victorem, Sidonium Idacium Isidorum aliosque immo tota tacet antiquitas. Unde ergo conjicit regimen vetus immutatum a Leone M. fuisse. Non sane conjecturis sed firmissimis argumentis a communi veterum sententia recedendum est. Concludendum igitur cum tota antiquitate Siciliam inter provincias suburbicarias recensendam esse, et Episcopos Siculos per octo prio-

ra sæcula ut infra videbimus inter Romani metropolitæ suffraganeos .

§. 15.

Juris Ca-
nonici Si-
culi fun-
tes

Siciliensis igitur Ecclesiæ magistram disciplinæ Romam fuisse legesque et sacras traditiones per priora sæcula a Romana Sede accepisse ex triplici capite exploratum noscimus primo quidem ex Siciliarum Ecclesiarum fundatione 2. ex Episcoporum consecratione 3. ex jure Pontificis metropolitico , de quo jam satis diximus . Sicut autem constanti semper traditione creditum Divum Petrum vel ejus saltem successores Siculam Ecclesiam fundasse ita semper veluti matrem Ecclesiam Romanam et disciplinæ magistram Siciliani venerati sunt sueta illa reverentia in illam sedem a qua primi Ecclesiarum fundatores missi sunt . Quod sane vinculum inter utramque Ecclesiam in diesangebatur ob minus consecrationis quod Episcopi Siculi a Romano Pontifice accipiebant . Hæc tam religiose prima ætate custodiebantur ut Innocentius 1. sub

initiis Sæculi quinti in ep. ad Decentium
 Eugubinum Episcopum Siculos vehementer
 hortatus fuerit ad avitas traditiones custodien-
 das ex eo quod,, manifestum esset in om-
 nem Italiam Siciliam Insulasque interjacentes
 nullum instituisse Ecclesias nisi eos quos ve-
 nerabilis Apostolus Petrus aut ejus successo-
 res constituerint Sacerdotes , aut legant si
 in his provinciis alius Apostolorum invenitur
 aut legitur docuisse quod si non legunt quia
 nusquam inveniunt oportet eos sequi quod
 Ecclesia Romana custodit a qua eos princi-
 pium accepisse non dubium est: ne dum
 peregrinis assertionibus student caput institu-
 tionum videantur omittere ,, Cod. Dip. 25.
 Iisdem principiis innixus Leo M. Episcopos
 nostros inculcat quod studio novitatis abrepti
 relicto Romanæ Ecclesiæ instituto in praxin
 Africanam deflexerint,, in quam culpam nul-
 lo modo potuissetis incidere si unde conse-
 crationis honorem accepitis, inde legem to-
 tius observantiæ sumeretis et B. Apostoli se-
 des , quæ vobis Sacerdotales mater est di-
 gnitatis esset Ecclesiasticæ magistra rationis,,

hoc idem argumentum Gregorius Magnus, in epist ad Joannem Syracusanum, Siculis urget ut non aliunde discerint disciplinam quam ab Ecclesia quam etiam matrem appellavit „ nam vestræ Ecclesiæ nunquid traditionem a Græcis acceperunt? Unde habent ergo hodie ut Subdiaconi lineis in tunicis procedant, nisi quia hoc a matre sua Romana Ecclesia perceperunt „ ex quibus verbis hauseris quoque Siculos anteactis sæculis nil a Græcis accepisse. Hoc testantur Innocentii; Leonis M., Gelasii 1. Gregorii M. aliorumque Pontificum et Scriptorum illius ævi

§. 16.

Decreta-
les Pon-
tificum et
Canones
Rom.
Concilio-
rum

Summa igitur rerum Ecclesiæ Siculæ penes erat romanum metropolitam qui ex veteri more Vicarium in insula constituebat ob provinciæ dignitatem et utilitatem qui majores causas Romam deferret minores ipse discuteret: quo munere diu multa laude functus est insignis Ecclesiæ Syracusanæ Episcopus Maximianus. In rebus dubiis fidei vel di-

sciplinæ matrem Ecclesiam Episcopi consuebant ejusque responsa pari reverentia amplectebantur. Romam adeuntes ad provinciales Synodos sæpissime celebrandas, canones ibi constitutos huc deferrebant observandos: et si inopinatum aliquid exortum fuerit in Synodis Episcopalibus hic celebratis definiebatur. Nullus igitur erat codex legum publicus nec ille Dionisii exigui qui privata auctoritate compositus sexto sæculo ineunte in occidente obtinuit: sed Pontificum decretales, Canones provincialium Synodorum, praxis et traditio romana quam didicerant Episcopi et vetustæ prædecessorum consuetudines paulatim in formam codicis abire que n unquamque Ecclesia Sicala in sua bibliotheca retinebat.

§. 17.

Hiscæ non obstantibus luce meridiana clarioribus argumentis gravia transacta ætate exorta sunt dissidia inter Scriptores Sicalos, pro constituendo jure metropolitico suarum

ex jure
Metropolitico

Ecclesiarum et alter in alterum odio plusquam Vatiniano insurrexit. Ipsi quidem velut exploratum existimantes Siculam olim Ecclesiam suam metropolitam habuisse digladiabantur inter se cuiusnam Ecclesiæ tribuendum. Itaque Albertus Piccolus acri stylo suam Ecclesiam Messanensem metropolitam jactavit quem sequuti sunt Carolus Morabitus alique ex Messanensibus. Roccus Pirrus Messanenses refellens Panhormitanæ Ecclesiæ jus illud indulsit. Dein Antoninus Amico ne videretur Messanensibus blandiri quia civis aut Panhormiensibus quia Canonicus hujus Ecclesiæ Syracusis tribuit odia utriusque urbis eludens. Pari studio eandem dignitatem Tauromenio detulit Franciscus Scorsus, et Ecclesiæ Catanensi Joannes baptista Grossus. Inanes istorum sententias et quæstiones Petrus Josephus Cantelius His. Metrop. p. 3. Diss. 5. c. 4. et exinde Joannes de Ioanne Cop. Dipl. Diss. 2. vapularunt. Unde sane quæstio cui tribuenda dignitas metropolitana si nullus unquam usque ad Græcorum usurpationem metropolita in Sicilia sed unus tan-

tum Pontifex Romanus? argumenta quibus hoc adstruitur hæc sunt 1. Sicilia inter suburbicarias provincias certissime recensetur, Ecclesia Sicula inter suffraganeas 2. Epistolæ Leonis 1. Gelasii M. non ad unum metropolitam sed ad omnis Siciliæ Episcopos dirigebantur 3. omnis externa disciplina a Romano metropolita pendebat confirmatio et consecratio Episcoporum 4. causæ majores Romam deferbantur, minimarum cognitio Vicario in Sicilia committebatur. 5. Adversus Episcopos accusationes ad Pontificem referebantur et ipse iudex cognita causa iudicium ferebat sicut in vita Gregorii 2. Agri-
gentini legimus apud Leontium quamvis minores causæ ex lege Teodorici hic finirentur. 6. Ecclesiarum consecrationes ex venia Rom. Pontificis agebant Episcopi 7. et ipsi Pontifices Ecclesiis Siculis vacantibus dabant visitatores. 8. quovis triennio vel quinquennio Romam adire cogebantur ad Concilium Romanum. 9. Denique Synodis Episcopalibus totius provinciæ Siculæ hic celebrandis jussu Gregorii M. Petrus subdiaconus roma-

nus præsidebat Hæc omnia quæ sacram Ecclesiæ nostræ politiam constituent satis ostendunt nullum in Sicilia fuisse metropolitam sed solum Romanum Pontificem . Consule cit. Auctores . Disciplina igitur externa quæ ex forma regiminis pendebat , Romana fuit et similiter Romana fuit interna lingua , sacer ritus , lyurgia sacramentaria , Psalmodia , festorum celebratio , vestimenta sacra , ministrorum ordo , jura , officia aliaque omnia latina erant et , Romanam disciplinam redolebant sicut ex Epistolis Leonis M. et Gregorii M. supra allatis erueris , et nos suo loco exponemus .

§. 18.

Concilia

Quamvis autem Sicilia suburbicaria fuerit florentissima tamen et inter præcipuas Occidentis Ecclesias habita et quamvis Episcopi fuerint suffraganei , tanta tamen erant doctrina , et sanctitate conspicui , ut ad tuendam fidem , et disciplinam primariis Conciliis vocati intervenerint et hic quoque Concilia celebraverint . Rem istam Scriptores nostri

pertractarunt quoad latinam ætatem sed quia et ad prænotiones canonicas pertinet et in sequentibus epochis de Siculis conciliis redibit sermo ideo non duximus omittere ut dignitas et status Ecclesiæ Siculæ hujus ætatis magis elucescat. Ad Concilium igitur Arelatense ob causam Cæciliani Episcopi Carthaginiensis Chrestum Syracusanum antistitem ejusque Diaconum Florum aliosque duos secundi ordinis suis ipse litteris Constantinus M. convocavit. Cod. Joannii Dipl. 1. Apud Nicænum 1. et Sardicense et si nullus Episcopus noster inveniatur subscriptus duo tamen convenisse suadent primum quia constat nomina Episcoporum occidentis temporis injuria ex decretis Synodi excidisse. Secundum quia et indictio fuit ex toto orbe et Atanasius Capitonem Siciliæ Episcoporum inter propugnatores si lei Nicene adversus Arium enumerat l. 1. cont. Arian. Evagrius incertæ sedis Concilio Antiocheno et quidam inominatus Syracusanus Episcopus Constantinopolitano interfuerunt: nihil e subscriptores Sardicensis nullum ex nostris ostendunt. Insignis Lalibæi Epi-

scopus Paschasinus bis a Leone M. consultus de die Paschatis Apostolicas vices in Concilio Calcedonensi summa cum laude sustinuit. Conciliis Romanis ob causam Symmachi, ob Typium Constantis sub Martino, ob monothelismum sub Agatone Siculos Episcopos subscriptos legimus. Constantinopolitano 2. ad fuit teste Nicephoro l. 17. c. 27. Gregorius Agrigentinus „ vir vitæ sanctitate, eloquentia et veritatis doctrina omnibus prope superior „ Nicenum 2 et auspicatum et absolutum fuisse adversus Iconomachos opera nostrorum Episcoporum ex ipsis Synodi actis eruimus. Denique in octava Synodo æcumenica ex nostris Episcopis aliqui cum schismatis dedecore nominantur aliqui vel pœnitentes reconciliati vel catholici adfuerunt.

§. 19.

ex jure
Metropolitico

Jam a prima ætate Concilia in Sicilia habita memorantur sed eorum acta non extant: juvat tamen ea quæ fuerint recensere. Disceptatur inter æruditos num habitum fue-

rit in Sicilia circa annum 125. Concilium Provinciale adversum Heracleonem Valentini sectatorem. Quæsitio orta est ob librum vetusti anonymi qui Prædestinatus inscribitur a Jacobo Symondo editum an. 1643. dein bibliothecæ P. P. insertum an. 1677. In hoc libro hoc extat testimonium, „ Heres. Heracleonitarum ab Heracleone adinventata est, quæ baptizatum hominem sive justum, sive peccatorem loco sancti computari docebat; nihilque obesse baptizati peccata memorabat: hic in paribus Siciliæ incohabitavit dicere. Contra hunc surrexerunt Episcopi Siculorum Eustachius Lilybæorum et Panhormæorum Teodorus. Quique omnium qui per Siciliam erant Episcoporum Synodum exorantes, gestis eum audire decreverunt, et universas assertiones ejus dirigentes ad S. Alessandrum urbis Episcopum rogaverunt, ut ad eum confutandum aliquid ordinaret. Tunc S. Alexander ad singula quæque capita hydri singulos gladios Verbi Dei de vagina Domini Verbi eliciens, librum contra Heraclionem ordinans, ferventissimum ingenio Sabinianum

destinavit, qui ex scriptis Episcopi, et assertionem suam ita eum confutaret, ut nocte media navis præsidio fugeret, ut ultra ubinam devenisset penitus nullus sciret „

§. 20.

Exploditur

Nullum quidem aptius monumentum, si vere indubium esset, ad constituendam et Conciliorum nostrorum et multo magis Ecclesiarum vetustatem: quam ob rem recensiores Panormienses, apud Pirrum enim et veteres altum silentium, Joannes Amato de princ. templo f. 10., Mongitorius App. ad Bibl. sic. num 23. et in Apol. §. 8. f. 42. et Franciscus Serius Diss. 7. securius Ecclesiæ Panormitanæ Apostolicitatem tuentur et mirum quod hujus libri authenticam defendant quoque Labbæus in lib. Synodico „ et Paginus Brev. pont. T. 1. f. 21. Attamen gravissimi auctores velut suppositum respuunt Dupinus T. 1. Bibl. Ecc. lat. edit. de conc. sæc. 1. Cav. sæc. 2. Nal. Ales. sæc. 2. 3. ar. 6. ex nostris de Angelis Isag. sæc. 2. §. 1.

Ego autem fabulis accenseo testimonium hujus libri cuius etiam incriptio epocham semiperlagianam redolet. Nam ipsa narratio, et unio Alexandri cum Heracleone suadet velut supposititium rejicere testimonium et librum. Omissis igitur argumentis a prælaudatis Scriptoribus allatis, sufficiat illud ex ratione temporum ductum cum qua congruere nunquam potest historiola ab anonymo relata. Eusebius Hist. Ec. l. 4. c. 4. 5. hæc habet, „ Anno principatus Hadriani III. Alexander Romanæ Urbis Episcopus fato functus est... cui successit Xystus. Porro annum imperii sui 12. agente Adriano cum Xystus Episcopatum Urbis Romæ decem annos obtinuisset, septimus ab Apostolis Telesphorus in ejus locum successit, Igitur dies immortalis Alexandri Papæ incidit in annum 119. qui est annus 3. Imperii Hadriani et anno 128. mortuus est Xystus cui successit Thelesphorus. Ude ergo sub Alexandro celebratum in Sicilia Concilium an. 125. et quamvis acta martyrii Alexandri ad ævum Trajani pertinent qui ante an. 117. regnavit tunc crescit argumentum sed acta isthæc velut supposita merito rejiciuntur.

a Baronio aliisque eruditis . Quod si protrahatur vita Alexandri ad annum 125. et ultra quomodo conciliari potest cum historia Valentini qui post annum 140. vixit et Heraclionis ejus discipuli qui post annum 150. ætate Hyrenæi ? Merito igitur ut fabulam rejicimus et Concilium et Historiam . Prima Synodus creditur ea quæ memoratur ab Athanasio ep. ad Ep. Afric. habita post Concilium Nicenum 1. ab Episcopis qui in Siciliam redierunt „ Concilio Nicæno universus orbis assensum præbuit, et quamquam multæ habitæ sunt Synodi, hujus autem omnes sunt memores, tum per Macedoniam, Græciam, Cretam aliasque Insulas, Siciliam et Cyprum,, Secunda si fides Socrati lib. 4. c. 11. ob adventum legatorum Synodi Lampsacenæ „ quibus acceptis litteris (Liberii Papæ) legati in Siciliam proficiscuntur, ubi Concilio Episcoporum Siculorum convocato coram illis similiter fidem consubstantialitatis se servare confitentur,, Cod. Dipl. 13. 16. Tertia Synodus teste Idacio in Cronico habita fuit in Sicilia adversus Maximinum Ariarum ducem,, Gen-

sericus Siciliam depredatus Paulormundum
 obsedit, qui dampni a catholicis Episcopis
 Maximini apud Siciliam arianorum duceis ad-
 versus catholicos precipitatur insultu ut ebs
 quoquo pacto in impietatem arianam boge-
 ret „ Quartum deducunt Scriptores nostri ex
 epistola Maximi ad Siculos cum enim ipse
 omnem navasset operam ut coactis Conciliis
 romæ et in Africa Hæcæsis Eræclij dætinaretur
 Siciliam petiit ubi et multum satagit se-
 que a nota sibi objecta monothelismi purgavit.
 Num autem Concilium aliquod hic ce-
 lebratum fuerit incertum. Hæc quæ recensui-
 mus Concilia velut extraordinaria habeto: or-
 dinaria pro rebus fidei et disciplinæ Romæ
 celebrabantur pro rebus autem minoribus et
 gliscentibus abusibus ex lege Gregorii M. hic
 quoque habebantur quotannis Synodi ordina-
 rii „ illud quoque fieri debere perspeximus
 ut semel per annum ad Syracusanam, sive
 Catanensium Civitatem fraternitas vestra con-
 veniat; quatenus quæ ad utilitatem ipsius
 provinciæ Ecclesiarum pertinent, sive ad ne-
 cessitatem pauperum, oppressorum suble-

vanilam, sive ad admonitionem omnium, si-
ve correctionem eorum quorum excessus con-
tingerit demonstrari, congrua cum eodem
Petro subdiacono sedis nostræ debeatis mo-
deratione disponere „

§. 21.

Patrimo-
nium S.
Petri .

Denique jus temporale Rom. Sedis quod
recensendum promisimus est Patrimonium divi
Petri Exploratum est tres Ecclesias satis am-
plum in Sicilia possedissee Patrimonium Ro-
manam videlicet, Ravennatem et Mediola-
nensem. Hæc patrimonia erant possessiones
quæ massæ dicebantur, et coalescebant ex
agris frumentariis, pascuis, domibus, et co-
lonis tanquam servis Ecclesiæ addictis. Quod
Romana Ecclesia possidebat Patrimonium San-
cti Petri appellabatur, ejusque massæ sitæ
erunt in territoriis Syracusano, Catanensi
Milano, et Panormitano ut satis ostendunt
epistolæ Gregorii M. ad Rectores suos in Si-
cilia apud Joannium in Cod. Dipl. Valor to-
tius Patrimonii quod Romana Ecclesia ex Ca-

labria et Sicilia repetebat ad anri talenta tria et dimidium ascendebat ut ex Paulo Diacono constat sed adeo magnum erat quod ex Sicilia retrahebat ut media ætate Petrus. Ble-sensis ep. 146. aliquæ nonnulli totam Insulam Ecclesiæ Romanæ patrimonium crediderint. Initia hujus patrimonii omnino latent, et quisnam fuerit qui Romanæ Ecclesiæ illud concesserit nescimus. Gaetanus a Constantino repetit et alii ab aliis. Ipse vero potius Hadriani primi sententiam amplectar qui in epist. ad Constantinum et Irenem hæc scripsit „ antiquitus ab Orthodoxis Imperatoribus sen a cæteris christianis fidelibus oblata atque concessa sunt patrimonia Beati Petri „ Attamen initium Gregorio et Pelagio 2. antiquius est et pietas Imperatorum et fidelium sicut dedit, ita et auxit; donec a Leone Isaurico sacrilega temeritate ablatum fuit, et nunquam restitutum: denique sub Saracenis amissum ac deletum. De eo potissimum scripsere Gaetanus in Isag. et Joannes de Joan. Diss. ad Calcem Cod. Dipl. Cujus quoque reperi manuscriptam amplio-rem dissertationem et de Romano et de aliis duobus patrimoniis.

Patrimo-
nium Ec-
clesiae
Ravenna-
tis.

Ravennas quoque Ecclesia aliud habuit patrimonium in Sicilia, et vetustum documentum editum a Joannio in Cod. Dipl. 28. quamvis mutilum exhibet hujus patrimonii rectorem, fundorum colonos, et præcipuos conductores. Hoc locupletissimum fuisse omnino certum est et quamvis sub Gregorio M. ob rectorum negligentiam ex Dipl. 211. constat imminutam fuisse adeo tamen septimo sæculo auctum legimus ut Jeronimus Rubens tam ridicule quam absurde crediderit totam Insulam sub titulo patrimonii Ecclesiae Ravennæ sub ditione fuisse. V. de Angelo ann. Eccl. Sic. p. 120. et Gaetanum Insig. p. 332. Isti auctores originem hujus patrimonii ad S. Ursam referunt alii negant. Ipse opinor Imperatorum largitionibus tribuendam: ideoque incertum initium, certus omnino finis sub Saracenis.

Ecclesiae
Mediola-
nensis.

§. 23.

Patrimonium Mediolanense satis osten-

dunt tabulæ Episcoporum hujus Ecclesiæ Gregorius M. et Theodoricus Gothorum rex in suis diplomatis peres Joannem de Joanne dipl. 37. et 79. nescimus autem quamnam amplitudinem habuisse. Gaetanus credidit Julium Firmicum Maternum Siculum ad Episcopatum Mediolanensem promotum huic Ecclesiæ donasse sed hanc rejiciunt eruditi opinionem: primordia igitur ignoramus et scimus tria hæc patrimonia Saracenorum adventu omnino deleta nisi velimus sustinere omnia jam a Leone Jsaurico ablata fuisse. Hæc erant jura Romanæ sedis metropolitica et temporalia: hic erat status Ecclesiæ Siculæ usque ad Leonem Jsauricum: quasnam autem vices passa fuerit ad secundam ætatem pertinet inquirere. Plurima disciplinæ capita quæ ex munementis hujus ætatis collegimus in tractatibus juris expediemus.

ÆTAS GRÆCA

§. 1.

Status
Italiae

Post medium Sæculum Sextum Longobardi ex eadem Scandia vagina gentium non immerito dicta, ex qua olim et Wandalī, et Gothi profecti, in Italiam irruerunt, et post diuturna bella subegerunt, novaeque regna ac ducatus constituere, mores novasque leges invexerunt. Hi ab initio barbari, ac hæresi ariana infecti, plures habuere principes sapientia, ac pietate insignes sicut Rotarium, et Luitprandum, qui plura extruxerunt monasteria et Ecclesias, ac largissimis anxere donationibus; sed effrænis multitudo licentia Hereticali diu vexavit Italiam donec eos subfine Sæculi octavi expulerit Carolus Magnus rogatus a Romanis Pontificibus, quibus Græcus Imperator impotens auxilium pernegaverat aut dissimulaverat. Exorto novo Gallorum Imperio, et coronato Romæ a

Leone tertio anno 800. Carolo M. inter ipsum, et Nicephorum Orientis Imperatorem initum fœdus est de Italia, ita ut ea Italiae parsquæ a Neapoli per mare Tyrrenum et a Siponto per Adriaticum ad Siciliam usque pergit cum ipsa Insula Græcis cederet, reliqua ad Carolum pertineret. Ita tradidit Blondus Flavius decad. 2. l. 1. p. 164., et Cantelius p. 3. Diss. 1. c. 1. §. 5. „ tum anno 803. Carolum inter, et Nicephorum Græcum Imperatorem ita convenit ut regio illa omnis, quæ hinc a Neapoli, inde a Siponto ad litus usque maris Siciliam versus pertinet, cederet Græcis, reliqua Francis, certum autem est hoc fœdus confirmatum fuisse ab ipso Pontifice nam Eginardus anno 812. apud Duchesne T. 2. p. 257. testatur Legatos Nicephori „ inde reversos Romam in Basilica Sancti Petri cumdem Pacti. et fœderis libellum a Leone Papa denuo suscepisse „ hæc pernotasse nostra interest.

Occiden-
tis
Discipli-
na

Ætatem de qua Scripturi sumus, quoad Occidentem mediam dixerunt Eruditi quia jam ab octavo sæculo paulatim a puriori veterum disciplina declinari cæptum, et plurimæ sive pravis moribus sive Barbarorum frequentibus excursionibus, et regum dissidiis; sive Occidentalium ignorantia ob neglecta Patrum et Conciliorum studium, sive alia quacunque causa, invaluerunt novitates, donec eo ventum est ut disciplina Ecclesiæ immutata fuerit. Sic igitur ratio feudalis inducta Ecclesias, et monasteria feudis et Castellis auxit: non quasi majoribus divitiis locupletaverit sed magis nova præeminentia ac Baronali jurisdictione decovaverit. Qua occasione Episcopi et Abbates ex jure feudali servitio militari adstricti arma tractarunt, et reges ad castra sequuti sunt et pedetentim monasteriorum, et Abbatum exemptiones ab Episcopis prodierunt; tum in temporalibus cum denique in spiritualibus. Hinc neglecta Episcoporum residentia, solutum vinculum unius præbiterii Ecclesiis

adscripti, inducti præsbyteri vagi, desueta Synodorum frequentia, et Episcoporum suffraganeorum in Metropolitās reverentia immixta: unde legatorum Pontificiorum usus in provincialibus Conciliis, et alia quamplurima leguntur in illius ætatis historicis. Attamen non defuerunt viri et Episcopi doctrina et Sanctitate conspicui Rabanus Maurus, Ratramnus, Hinemarus Remensis, Ivo Carnotensis, Petrus Damianus pluresque alii: ne deluere Romani Pontifices lapsam disciplinam revocare quantum fieri poterat, plurimis Romæ et alibi habitis Synodis in quibus varia disciplinæ capita adversus gliscentes abusus constituta presertim in Clericorum contubernia. Chrodegangus in Gallia Clericorum incubuit reformationi, vagosque Clericos Ecclesiis Cathedrallibus adscripsit tanquam canonicos quibus Concilium Aquisgranense regulam dedit. Sic et Pipinus et Carolus Magnus Synodos indixere, et capitularia in comitiis generalibus pro regni, Ecclesiarum, et monasteriorum utilitate publicarunt.

Collectio-
nes Ca-
nonum
medicæ
ætatis

Inter plures Canonum Collectiones quæ per hanc ætatem in Occidente exaratæ sunt prima memoratur ab eruditis Adriana collectio, quam Adrianus Papa probavit et Carolo Magno velut codicem Canonum tradidit, sed hæc omnino distinguenda a capitulis Adriani ex putidis Pseudo Isidori mercibus compositis et falso huic Pontifici tributis. Alia est Isidori Mercatoris famosa collectio, cui omnem totius Occidentis disciplinæ immutationem passim tribunt Espenius, Cavallanus aliique: auctor enim iste Germano Francus sub mentito Isidori nomine initiis Sæculi noni collectionem evulgavit Canonum quos ex ingenio efflavit, et potissimum Antisiricianas Decretales, vel ex aliis collectionibus collectos interpolavit, et in suam rem traxit eo consilio ut male animatos homines adversus presbiteros ab accusationibus deterreret ut ipse fatetur in præf. „ multi pravitate et cupiditate depressi accusantes Sacerdotes depresserunt ut se per illos excusent, vel eo-

rum bonis ditentur,, hoc opus privata auctoritate editum magnum creditum fuit et per totum Occidentem divulgatum, et non nisi post Lutheranismum detectum et velut erroribus ac falsitatibus repletum explosum fuit. Insequentes collectiones usque ad Gratianum Isidorum redolent eodemque vitio laborant. Fateor tamen Isidorum post divulgatum Codicem ad nonnullas novitates inducendas multum contulisse sed quoque fatendum quasdam quæ jam ex multis causis invaluerant supposititiis canonibus confirmasse multosque abusos ex ipsa temporum conditione absque ullo ejus concursu jam inolevisse. Hisce expotis ad nostra proprius accedamus.

§. 4.

Utinam Isidoriana collectio Græcis innotuisset! citius enim immo statim ejus fraudes ac figmenta detecta fuissent cum apud ipsos nono sæculo et litteræ, et scientia canonum floreret. Nulla sane ex collectionibus hujus ætatis usque ad undecimum sæculum,

Nam Disciplinæ novitate in Siciliam imminuerit

nulla novitas et disciplinæ corruptela in Si-
 ciliam immigravit . Quoad collectiones cano-
 num certum est quia evulgatae, cum jam Si-
 cilia occupata fuerit a Saracenis sæculo nono.
 Quoad juris novitates ne quidem ullum ap-
 pareret veteris disciplinæ labentis initium . Et
 quidem 1. ratio feudalis a Longobardis indu-
 cta ignota fuit Siculis, qui post Gothos ab
 Orientali Imperatore gubernabantur : hinc
 Ecclesiæ et Monasteria nec feudis nec castellis
 hoc ævo aucta sunt, neque Episcopis aut
 Abbatibus procerum jura, vel onera acce-
 serunt; frequens adhuc adsiduitas Episcopo-
 rum, et nulla Abbatum ab Episcopis exem-
 ptio; sed eadem Ecclesiarum, et Monaste-
 riorum vetus constitutio . 2. Episcopi nostri
 Synodis Romanis usque ad Agatonem et Ecu-
 menicis Orientalibus interfuere, ex quibus
 nullum argumentum disciplinæ mutationis 3.
 Ex vita S. Gregorii Agrigentini, S. Leonis
 Catanensis, et S. Sophronii Tauremenitani,
 qui martyr occubuit sub ingressu Saraceno-
 rum clarissime inferitur adhuc vinculum præ-
 sbyterii perdurasse, et nullum Clericum nisi

Ecclesiis adscriptum; eandem ac veterem
 Episcoporum electionis eandemque judiciorum
 formam. Hæc disciplinæ capita alibi revo-
 cabimus. Nunc tantum interest pernotare quæ
 Leontius in causa criminali S. Gregorii Agri-
 gentini affert: aureum quidem est monumen-
 tum, et notatu dignum, in quo omnis pra-
 xis judicandi, et forum publicum, et tribu-
 nal, et sella judicialis memoratur tum in Si-
 cilia tum Romæ, quæ cuncta in serviunt ad
 hostes refellendos jurisdictionis Ecclesiæ. Nos
 hic quæ tantum ad rem nostram pertinent
 referimus: num. 58. edit. Marcelli tribuni re-
 spondent Legato Pontificis, qui Gregorium in
 forum vocaverat judicandum,, tu cum Dia-
 conus sis communis Patris nostri Pontificis
 maximi non debes in causa viri hujusmodi
 judicare, neque par. est sine Synodo hunc
 ante te produci, multoque minus de eo
 sententiam ferri,, num. 59., Legatus time-
 re cepit, et relicto loco ubi sedebat, stetit,,
 Gregorius Legatum affatur,, tu, homo,
 si vis, causam ad Pontificem maximum de-
 fer,, quoniam te arbitrum causæ meæ

judicemque nemo constituit,, nulla igitur potestas Legati in Episcopum, nulla supra Synodum, nec adhuc separata jurisdictio ab ordinatione, nec Ecclesia Sicula a Romana. Sub græcis autem non adhuc abusus irrepserant in Occidente, nec invalescere poterant in Sicilia: aut enim prosequebatur disciplina vetus Romana aut vetus græca sive Synodi Quinisextæ, quæ adhuc perdurat. Sub Saracenis in quorum epocha dicitur lapsa in Occidente disciplina siluit Ecclesia Sicula si autem græcam adoptaverit inferius.

§. 5.

Statu
Ecclesiæ
Leonis
Isaurici
persecu-
tio

Sicilia a Gothis erepta et a Belisario ad Gæcorum imperium redacta nulla excepta lingua gravem vicem passa est, sed statim ac ad Leonem Isauricum ventum est mutata rerum facie turbulenta prodire tempora. Ipse enim qui anno 717. consalutatus Romæ fuerat Imperator, quavibus pænis Manichæos, Hæbreosque coercuit pro tuenda religione, seductus tandem ab ipsis Hæbræis acceßit bellum

saceris imaginibus velut priscam idolatriam redolentibus indixit. Tanta novitate commotus Gregorius 2. litteras, hortamentis, præci-
busque plenas ad eum misit ut a nefando proposito removeret, ac exemplo Costantis Imperatoris ab Episcopis Siculis damnati, ac Syracusæ a quodam Andrea in balneo interfecti detertere studuit. Sed magis incensus ira in Pontificem novo sed inani facinore ipsi insidias molitus est: quæ delusus spe in catholicos desævit templa nudavit imaginibus, earumque propugnatores suppliciis affecit. Perstitit immo crevit tempestas sub Leone Armeno, et sub utrisque Imperatoribus plurimi occubere martyres. Hæc persecutio alibi exorta in Siciliam quæ jam Græcorum suberat imperio grassata est: neque hic defuere viri virtute præstantes, qui mira constantia Imperatorum edictis obstitere. Præcipue mematur gloriosa S. Jacobi Catonensis Episcopi confessio fidei catholicæ adversus Iconomachos quæ tale in ipsum concivit oïium ut post diuturnos cruciatus martirium emeruerit. Hæc ex mænologio græ-

co erueris,, Die 21. Martii S. Jacobi commemoratio: hic a puero monasticam exercitationem, edoctus ejuniis, et vigiliis, ac meditationi divinarum scripturarum incumbens Episcopalem dignitatem assecutus est. Cumque hæreticorum S. S. imagines oppugnantium temporibus multas tentationes et persecutiones perpessus esset,, postremo fame et siti affictus in cruciatibus spiritum Deo tradidit,, sub quonam Imperatore passus sit incertum etsi Gaetanus Isag. c. 36. num. 25. ejus martyrium Leonis Armeni persecutioni tribuat. Verum non solum hic sed et alii innumeri Insulam suo sanguine illustrarunt quorum et martyrii species et angusta nomina ad nos non pervenerunt: quod vero fuerint ex testimonio Theodori Studitæ compertum habemus in epistola ad omnes ubique dispersos fratres et eos qui in carceribus et exiliis continentur in Domino,, gratia vobis et pax ut Apostoli verbis utar a Deo Patre nostro et Domino Jesu Christo qui est spes nostra, pro quo et propter quem persecutio, tribulatio, angustia, solitudo, exilium, carceres, et

quot quot alla in dies ad cumulum calamitatis incidunt, et occurrunt. De Joanne Cob. Dipl. 279.

J. 6.

Animadvertendum hic tamen est acta martyrum græcorum ætate miseram vicem subisse. Jam enim a Metaphraste pia fraus cæperat verbositas, ad credendum facilitas et nimia ad mira et portentosa proclivitas. Amisissis igitur latinis SS. martyrum actis Scriptores græci ve latinis græca exemplaria substituerunt vel ea quæ supererant in græcum idioma verterunt additamentis mendisque referta quapropter eruditi nequaquam græcis actis quippe quia nuperis et insicere standum, sed solis latinis deferendum judicarunt. Verum hæc non ita accipienda sunt ut omnib. græcis monumentis hujus ævi fides negetur; sunt enim per multa, quæ amissis latinis velut sincera exemplaria habenda, totaque fide digna ut recte animadvertit Joannes de Joanne de Div. off. c. 4.

Animad-
versiones
in acta
Marty-
rum

§. 6. et Morcellus in notis ad Leontium, Cave tamen ne absque ullo criterio capitula disciplinæ ex primorum Episcoporum, et martyrum actis deducas. Ex biographis hujus ævi plura sed caute haurire poteris, nam verborum et portenta nihil officiant disciplinæ veritati.

§. 7.

Capitula
hic evol-
venda

Hæc Leonis Isaurici persecutio initium fuit omnium novitatum, quas ipse in odium Romani Pontificis in Siciliam invexit. Utigitur omnia, quæ ad hanc ætatem pertinent argumenta complectar, operæ præmium duxi breviter expendere: 1. num Leo abstulerit Patrimonium Divi Petri: 2. num Ecclesia, Sicula avulsa omnino fuerit a Romana, et Patriarchæ Constantinopolitano subjecta, et ita mutatum regimen: 3. num Metropolitæ instituti fuerint: 4. num lingua ritus et disciplina latina defecerit et Græca fuerit inducta 5. num Schismaticorum errores Siciliam infecerint, et Scriptores nostros corru-

perint . Hec sane Albertus Piccolus, Pirrus, Cautelins, Gaetanus, et potissimum Joannes de Joanne pertractarunt sed impari iudicio ac magna in quibusdam contentione. Sit igitur.

§. 8.

Certum est apud omnes firentem Imperatorem Patrimonium Divi Petri satis amplum quod Ecclesia Romana in Sicilia jam diu possidebat, sicut et alia Ecclesiae Mediolanensis, et Ravennatis de quibus scripsisse memini, abstulisse et aerario publico addixisse. Ad hoc probandum haec duo sufficiant i. testimonium Theophaui in historia relatum a Joanne de Joanne Cod. Dipl. 273. „ patrimonium, quae dicuntur Sanctorum et Coryphaeorum Apostolorum, qui in veteri Roma coluntur, tria nimirum cum medio auri talenta eorum Ecclesiis ab antiquo assignata, et pensa; in publicum aerarium conferri jussit, alterum testimonium suppeditat ipse Adrianus. i. in responsis ad dubia francorum de ablata lequens Ecclesia, „ quam, inquit,

Patrimonium Divi Petri ablatum

tunc abstulerunt cum patrimoniis nostris quando sacras imagines deposuerunt „ V. Gaetanum Isag. c. 40. num. 4. Romani quippe Pontifices nihil intentatum reliquere ut sibi hæc injuria patrimonia ablata restituerentur, sed irrito conatu: et Saracenorum adventu penitus amissa.

§. 9.

Num Ec-
clesia Si-
cula a
Romana
avulsa
opiniones

Num Ecclesia Sicula a Romana divulsa fuerit, vel num omnes Siculi Episcopi ad Patriarcham Constantinopolitanum secesserint, et quonam tempore defecerint quæstio difficillima est. Antonius de Amico ante Synodum 7. æcumenicam anno 787 sustinuit avulsam. Baronius post hanc Synodum an. 854. Albertus Piccolus post Nicolaum 1. an. 860. Roccus Pirrus credit non omnes Siculas Ecclesias defecisse, sed quasdam et prope Synodum 8. in turbis Photianis sub Saracenorum ætate. Cantelius an omnes defecerint, et quonam tempore obscurum esse latetur, sed re vera Pirro adhæret: immo in ætatem

Saracenicam rejicit. Gaetanus. negat omnino deflectionem. Joannes de Jeanne a Leone Isaurico. vi abstractam sustinet Siciliam, et Ecclesiam juxta Antonium de amico.

Argumenta quæ ad Leonem Isauricum pertinere suadent Ecclesiæ nostræ secessionem, hæc a citatis auctoribus adducuntur. 1. Adrianus. 1. epist. ad Car. M. testatur Græcos abstulisse Ecclesiam nostram cum patrimoniis S. Petri quando sacras imagines deposuerunt, et in ep. de Costantinum. et Irenem sub quibus celebrata Sinodus. 7. postulat ut, consecrationes Episcoporum, et Archiepiscoporum sicut olitana constat traditio, nostræ diœcesis existentes penitus canonice S.R.E. nostræ restituantur,, 2. acta Synodû Nicænæ 2. ostendunt jam Episcopos Siculos Patriarchæ Constantinopolitano subjectos nam Joannes Tauromenitanus ita subscripsit,, Joannes Sanctissimus Episcopus Tauromeniû dixit: cum veluti divinus Orthodoxiæ terminus sint litteræ quæ ab Adriano Papa senioris Romæ ad pios nostros Imperatores. nec non ad Tarasium universalem patriarcham nostrum missæ sunt.

argumen-
ta

ita profiteor suscipiens sacras Jconas,, ita et reliqui Siculi Episcopi 3. Zaccarias Tauro-
 menitanus Episcopus a Sancto Methodio Patriarcha Cno Chirotoniam accepit seu manuum impositionem. Sic et Anastasius Bibliothecarius refert in Concilio 8. œcumenico tantum fuisse receptos vel suplices pœnitentes vel ordinatos a prædecessoribus Photii. Dum igitur leguntur subscripti huic Synodo nostri Episcopi, certum est a Methodio vel ab Iguatione fuisse consecratos 4. Nicolaus 1. in epist. ad Michaelē Imperatorem instanter petiit ut consecratio Syracusano Archiepiscopo a Sede Apostolica impendatur ut traditio ab Apostolis nullatenus vestris temporibus violetur,, Si ergo Pontifex velut Patriarcha petiit consecrationem Archiepiscopi Syracusani, ergo omnes Siciliæ Episcopi a metropolitā Syracusæ consecrabantur tanquam suffraganei, et quæstio inter Pontificem et Græcum Patriarcham tantum agitabatur de jure consecrationis hujus Archiepiscopi. 5. Jus denique Cni Patriarchæ in Ecclesiam Siculam et in omnes ejus Episcopos ostendant

dispositiones et ordines Episcopatum descri-
pti a Leone Sapiente aliisque Imperatoribus,
et a Nilo Doxopatrio a nobis in tabulis al-
lati V. De Amico in Diss. de Urbis Syrac.
jure metrop. Joannem de Joanne de div. offic.
c. 8. Franciscum Scorsum proæmio 2. §. 7.
in Hom. Theoph. Ceram : infra.

§. 10.

Hæc, quæ videntur nonnullis indubia
alii refellunt alii velut dubia incerto iudicio
tenent. Ut autem juvenes facilius quæstio-
nem et statum Siculorum Episcoporum in-
telligant, tabulam Cronologicam exponam.
Leo Isauricus adversus Ecclesiam insurrexit
anno 732. Adrianus 1. et Nicæna Synodus 2.
memorantur sub an. 787. Saraceni Sicilia poti-
ti sunt post an. 827. exceptis Syracusis et
Tauromenio. Methodius Patriarcha Cnus
an. 842. post hunc Ignatius 847. Gregorius
Asbesta depositus an. 854. consecravit Pho-
tium Eunuchum Patriarcham an. 858. Trans-
latus Nicæam an. 878. et mortuus. Epistola

Refellat-
tur.

Nicolai 1. ad Michaelē Imperatorem an. 862.
 Concilium Ecumenicum octavum an. 869,
 Photius consecratus an. 858. depositus an. 868.
 electus iterum ab Imperatore post mortem
 Ignatii an. 878. mortuus circa annum 891.
 Basilus Imperator, sub quo an. 878 capta
 a Saracenis Syracusæ regnavit ab an. 867. ad
 an. 885., in quo electus Leo Sapiens sub quo
 cecidit Tauromenium regnavit ad annum us-
 que 911. Nilus Doxopatrius an. 1140. An-
 dronicus Palæologus Senior Imperator an. 1283
 Andronicus secundus. 1332. Hanc tabulam
 præ oculis habeto.

§. 11.

Quod pri-
 ma et se-
 tem Leo-
 ne Isau-
 rico ad
 Nico. la-
 um et nul-
 la Ecce-
 sue sicu-
 lare defe-
 ctio.

Gravia sunt argumenta quæ urget Pir-
 rus adversus Antonium de Amico T. 1. de
 Patriarcha Siciliæ et tam firmiter suam sen-
 tentiam uetor, ut illam supra expositam vel
 dubiam reddat vel omnino destruat, ex his
 ego sententiis, inquit Cantelius p. 3. Diss.
 5. c. 3. num. 3., nullam aut admitto omni-
 ex parte, aut respuo; habent enim singula

unde et probentur multis, et inter se conciliari queant,, Argumenta igitur quæ suadent non omnino defecisse Siculam Ecclesiam aut omnes Episcopos clarius intelliguntur, et res ipsa magis explicatur si tres distingnamus ætates. Prima quæ progreditur a Leone Isaurico ad Nicolaum 1. sive ab an. 732. ad an. 860. altera ab hoc pontifice usque ad Leonem Sapientem sive ultra annum 886, tertia usque ad Nilum, et Andronicos sive ad an. 1140. et ultra. Ante igitur Nicenum 2. nullam adhuc factam fuisse defectionem conjicitur 1. ex eo quod hæc Synodus initium sumpsit ex Episcopis Siculis qui post lectam Imperatoris epistolam convocationis primi omnium sessiones auspicati sunt act. 2., „ religiosissimi Siciliæ Episcopi dicere ceperunt: dignum arbitramur ante omnia, et conveniens huic Sanctæ etæcumenicæ Synodo etc. „ Unde quæso primi exorsi Episcopi Siculi si jam a Romana sede secessissent: non equidem Legati Pontificii hoc passi fuissent, nec Patriarcha græcus post habitis majorum sedium orientalium Primatibus, et Patriarchis permi-

-sisset nisi ex eo quod vel tanquam legati, vel simul cum Legatis Pontificis adstarent 2. Adrianus 1. epist. ad Const. et Irenem petit, ut consecrationes Episcoporum seu Archiepiscoporum etc. Dardaniæ videlicet Thessaliæ Daciæ, aliorumque ut testatur Anastasius; nullam tamen mentionem facit de Episcopis Siculis, nulla ergo adhuc divisio. 3. Nicolaus 1. Ep. ad Michaellem Imper. et Photium pseudo Patriarcham anno 860. gravissime queritur, occupata ab Orientalibus Romanæ Ecclesiæ iura, et provinciis iis spoliatis quas veluti peculiares Rom. Pontifex regere consuevisset, post hæc enumerat omnes provincias Epirum Illyricum aliasque, nullum autem de Sicilia verbum immo sequitur quærimonia de patrimonio Siculo, quia etiam patrimonia quæ in Sicilia et quæ in Calabria haberet Ecclesia, sustulissent, cur igitur Pontifex petit provincias, et patrimonium Siculum, et negligit totam Siciliam et Ecclesiam? hoc sane argumentum Pirri tam magni fecit Cantelius l. cit. ut quæstionem sub iudice reliquerit, immo suam exponens opinionem

propius ad Pirri sententiam accesserit. Dein
 Nicolaus 1. hortatur Imperatorem Constanti-
 num et Irenem,, ne traditio Apostolica con-
 sacrandi Archiepiscopum Syracusanum vestris
 temporibus violetur,, ergo ante hæc tempō-
 ra non erat violata et prævenit ne occasione
 depositionis Gregorii Asbestæ in posterum
 violaretur. Si autem Episcopus Tauromeni-
 tanus in Nicena 2. Tarasium universalem
 Patriarcham nostrum appellat, hanc protulit
 vocem honoris causa sibi captandam ejus gra-
 tiam alloquens coram ipso plenariam Synodum
 nisi velimus eadem ratione explicare qua ver-
 ba Nicolai 1. epist. 9. Gregorium Asbestam
 redarguentis,, in Ignatium suum videlicet Pa-
 triarcham rediviva impietatis jacula exacuit,,
 hoc est inquit Cantelius loc. cit. num. 6. ejectione
 Ignatio quem ipse sibi repudiato Roma-
 no, Patriarcham delegerat, Photium ordina-
 re non erubuit,, Sed facilius ex variis hujus
 Synodi ordinibus subscriptionis Episcoporum
 quas exscripsi in tabulis quam leve sit hoc
 argumentum ostenditur; nam primus qui sub-
 scribitur in hoc ordine est Theodorus Cata-

nae et vocat Tharasium tantum Patriarcham post duos alios Episcopos subscribitur Joannes Tauromenii; et inter Episcopos orientales et calabros subscribuntur alii Siculi, immo in alia ipsius Joannis subscriptione non reperio vocem nostram ergo aut hæc vox inepsit in copiam, vel ut adulator dixit, vel subscribens cum omnibus Græcis communem titulum adhibuit. Recole ordines Episcopatum.

§. 12.

Nellus
si ulus
Metropo-
lita.

Restat ut inquiramus num hac ipsa ætate jura metropolitana exercuerint vel Patriarcha Cnus vel metropolitæ Siculi si extiterint. Nuperrimus auctor Can. Stephanus Dichiaræ in opere superius citato c. 10. opinionem De Amico sequutus duo susinuit 1. Leonem Isauricum Siciliam ejusque Ecclesiam Trono Cno subjecisse 2. post Leonem Patriarcham Cnum ordinasse Archiepiscopum Syracensium, et omnes Siciliæ Episcopos et cap. 11. Patriarcham Cnum consecrasset Metropolitam Syracensium, et hunc

tanquam Metropolitam consecrasset Episcopos reliquos Siciliæ veluti sibi suffraganeos. Omissa prima quam supra explicavimus, propositione secundam ipse probat ex Nicæna 2. in qua Galato dicitur Archiepiscopus: ex Nicolao 1., qui Gregorium Ahestam pariter Archiepiscopum appellat: ex ordinatione nostrorum Episcoporum a Methodio et Ignatio Patriarchis Cuis. Verum, bona pace tanti viri, hæc sibi non constant; si enim Patriarcha Cnus ordinabat Archiepiscopum Siragusanum, et omnes Episcopos Siculos, unde erat metropolita Archiepiscopus Siragusanus absque ullo jure ordinationis? Et si ipse ordinatus ut metropolita a Patriarcha Cno consecrabat reliquos Episcopos Siculos ut sibi suffraganeos, unde ergo in 8. Synodum œcumenicam admissi sunt plures Sicilienses Episcopi ex eo quod, ut ipse testatur a Methodio et Ignatio consecrati fuerint? ergo ante 8. Synodum nullus metropolita in Sicilia attamen argumenta expendamus.

Quid de
Stephano
Syracusano.

In septima Synodo æcumenica act. 4.
„ Legitur = Galatho exiguus præsbiter et
ex persona Stephani Archiepiscopi Siciliæ li-
benter omnia quæ præscripta sunt, suscipiens
subscripsi „ Nicolaus 1. petit ut a Pontifice Ar-
chiepiscopo Syracusano consecratio impenda-
tur. Sufficiant quæ ad hæc duo respondit
Cantelius l. cit. p. 3. Diss. 5. c. 4. num. 6. „
utrique una eaque perfacilis responsio est. Jam
tum Syracusanus Episcopus a Græco Patriar-
cha adeptus erat, ut Archiepiscopus dicere-
tur. Unde nihil mirum, si tum in septima
Synodo tum in Nicolai epistola de more apud
Græcos tum recepto Archiepiscopus appelle-
tur: quod a Rom. Pontifice ratum non fuis-
se indicio est Nicolaus ipse, qui epist. 7. c.
11. Gregorium Syracusanum, quem epist. ad
Michaellem Archiepiscopum dixerat, sæpe vo-
cat Episcopum. Præterea nec illa Galathonis
germana est subscriptio: in vulgata enim se-
ptimæ Synodi editione aliter subscriptum est =
Galathone Archipræsbytero locum tenente Rhe-

gii; Stephano Episcopo Syracusano = haud aliter in secunda, tertia, quartaque actione subscribit Galatho, et in septima in qua Constantinus Rhegii Episcopus aderat, Galato, qui illius vices gerat, nullus est. Unde Galatho non Syracusani, sed Rhegini Episcopi legatus erat, qui sive Archiepiscopus dicatur sive Episcopus nihil ad nos, „ Hæc Cantelius ex Pirro hausit v. disquis. 2. §. 5. de metr. sed hæc Pirri et Cantelii melius clarescunt ex collatione Episcoporum subscriptionum Nicænæ secundæ quas in tabulis exscripsi: Nam una tantum vice subscribitur Galato nomine Archiepiscopi Stephani in Reliquis subscriptionibus dicitur Episcopus. ergo creditur ex errore obvenisse potissimum quia semper subscribitur primus Episcopus Catanæ et per alios Episcopos Siculos invenimus subscripsum Stephanum. Unde ergo honor metropolitico? Hisce addam testimonium Nicolai 1. epist. 7. „ Gregorium dudum Syracusanum Episcopum, in Synodo damnatum atque ab Apostolica sede convictum „ a Leone videlicet et Benedicto XIII

Pontificibus. Verum etiamsi dicerentur Archiepiscopi et Stephanus et Gregorius ejusque successor Theodorus parum refert: nam hi tantum erant honorificentiae tituli ut mos erat illius ætatis apud Græcos sed non veræ metropolitice dignitatis et jurisdictionis, et ideo inveniuntur in synodo octava ordinati a Methodio et Ignatio Episcopi siculi et non a Metropoli. Siculo qui nullus erat.

§. 14.

Quid de
Zaccha-
riæ et Eu-
simii or-
dinatione.

Quænam autem fuerit ratio ab quam Methodius et Ignatius Patriarchæ Cui consecraverint Zacchariam Tauromenitanum et Euthymium Catanensem obscurum est, ex hoc adversarii inferunt jam fuisse sejunctam Ecclesiam Siculam a Romana, Pirrus alique negant, ex duorum vel trium ordinatione posse deduci totius Ecclesiæ secessionem: quapropter animadvertendum est. 1. Incredibile esse Methodium, et Ignatium Sanctissimos viros usurpare voluisse sacra jura Romane sedis, cui erant addictissimi, nec un-

quam Pontifices de hac ipsorum usurpatione conquesti sunt cum ipsis . 2. Zaccariam , et Euthymium a Methodio ordinatos fuisse proelia Ecclesia deinde a Photio absque ullo jure translatos fuisse cum titulo Archiepiscopi ad Tauromenitanam , et Catanensem Ecclesiam . 3. nil mirum occupata majori ex parte a Saracenis Sicilia quæ jam a Carolo Magno ad Imperatorem Cnum pertinebat jure extraordinario , pro temporum angustiis a Concilio Chalcedonen si concessio Patriarchas potuisse credere sibi licitum ibi degentes ob Saracenorum irruptionem hos Episcopos ordinare . 4. Nullus Pontifex nec ipse Nicolaus conquestus est de hac violatione jurium Romanæ sedis et tamen testatur ex apostolica traditione ordinationem nostrorum episcoporum ad se pertinere ; immo sub idem tempus Joannes octavus acriter scripsit ad Ignatium Patriarcham , quod Bulgariam occupasset et Episcopos ordinasset , et ut revocaret jussit et obtinuit . Igitur Methodius et Ignatius ex non culpabili errore potuerunt sibi persuadere ad se spectasse horum ordinationem .

nem vel alia juxta causa fuit ut ordinarent cæterum si jam ab ætate Methodii episcopi siculi ordinabantur a Patriarcha græco cur de his tantum dicitur et non de aliis nec de ipso Asbesta? Aut ipsi igitur non ordinati pro Ecclesia Sicula aut aliqua fuerit canonica ratio ob quam nec Pontifices quæsti sunt.

§. 15.

Quid de
Gregorii
Asbestæ
deposi-
tione

Si Episcoporum ordinationi adjicies judicium Ignatii, qui coacta synodo Gregorium Syracusanum facinorosum hominem deposuit: Pirrus loc. cil. §. 7. et Gaetanus Isag. c. 38. num 5. respondent id fecisse 1. ex habita licentia Rom. Pontificis qui judicii adprobationem sibi reservavit et idcirco Benedictus Papa expensis actis ad se missis synodalibus et audito Gregorio et reo convicto sententiam confirmavit anno 854 inquit Allatius l. 2. c. 4. nam 3. ab Ignatio Patriarcha coactum est Concilium Constantinopoli contra Gregorium episcopum Syracusanum in quo et depositus est ita tamen ut

assensus R. Pontificis requireretur,, et Auctor de separatione Romæ veteris ab Ecclesia græca penes Allatium n. 5., Photius ordinatus a metropolitano Syracusano qui antea depositus erat a Papa ,, 2. jure quodam extraordinario quia Gregorius ob Saracenorum irruptionem diutius constantinopoli degerat et Patriarcham græcum suum fecerat , ut ait Nicolaus 1: suo proprio schismate : potuit igitur Ignatius in Synodo deponere Gregorium ob perdirissimos mores, ob pericula gregis, ab diuturnam ipsius constantinopoli moram , ob similia antiquitatis exempla et inde referre ad Rom. Pontificem : difficillimum enim erat ob gratiam Imperatoris Pontificibus Romam invitum Gregorium in iudicium arcessere . 3. denique ex ordinatione Zachariæ et Euthimii et ex depositione Gregorii Asbestæ inferri non potest totam Ecclesiam Siculam , omnesque Episcopos defecisse ; scimus enim quatuor tantum fuisse photianos Syracusanum , Tauromenitanum Catanensem et Messanensem , ex quibus postremos duos penitentes in octava Synodo reconciliatos.

esse . Quid igitur verosimilius credendum ostendam .

§. 16.

Quid dicendum de omnibus Metropolitans et Archiepiscopis Siculis

Ut autem cognoscamus nam a Nicolao 1. ad Leonem usque Sapientem Sicula Ecclesia, et omnes Episcopi secesserint ad Patriarcham Gnum, et Archiepiscopi, aut veri Metropolitæ obtinuerint rem aliis repetamus oportet, et potius Pirri et Cantelii opinionem amplectamur. Siciliam quæ ad occidentale imperium pertinebat Belisarius a Gothis cepit, et Imperio orientali adjunxit, et Gubernatorem græcum græcosque magistratus prefecit: hinc frequens commercium Sicalorum et Græcorum commigrantium. hinc initium græcismi, et prima semina Patriarcham ambitionis. Postmodum Leo Isauricus, qui ob odium in Romanam Ecclesiam Patrimonium Divi Petri sibi attribuit, forsitan conatus est et Ecclesiam Siculam et Episcopos quoque divellere: sed firmissime teneo Ecclesiam quæ obtulit martyres et Episcopos qui hæresi sævienti resisterunt.

nec schismati adhæsisse. Subscriptio Galattonis arbitrato meo, nil valet variat enim in sessionibus Nicænæ secundæ et in textu græco Stephanus dicitur Episcopus, quod si omnino velis Archiepiscopum, hunc habeas titulum tantum honoris, et personalem obligationem quam sustinuit Imperatoris ad Adrianum, successores enim Episcopi fuere, et tanquam episcopus Gregorius Asbesta depositus, et sæpe Episcopus a Nicolao 1. vocatus. Saracenis Siciliam invadentibus Episcopi alii aliò fugerunt plerique Constantinolim ubi diu dègerunt pauperes et exules expostulantes in saracenos expeditionem ideoque Imperatoribus et Patriarchis blandiebantur, a quibus solum et vitæ subsidia, et reditum ad suas Ecclesias, et ipsarum poterant incrementa sperare; jam enim sicilia ab anno 800 ob pacta conventa inter Carolum M. et Imperatorem Orientalem pertinuerat ad græcum imperium. Post igitur siciliae subjectionem, post saracenos legimus ordinationem Zacchariæ et Enthimii et exinde in Epistolis Nicolai 1, anno 800 invenimus Gregorium Asbestam

nunc vocatum Archiepiscopum nunc Episcopum non autem metropolitam cum jam depositus fuerat ab Ignatio et a Pontificibus anno 854. et jam schismaticus consecraverat photium anno 858. ergo Gregorius titulum Archiepiscopi obtinuit a Photio intruso ob meritum suæ consecrationis ab anno 858. ad an. 860. aut ad an. 863. in quo Photius Depositus fuit. Sicut etiam Zaccharias Tauramenii acerrimus Photii sectator fuit et legationem pro eo ad Nicolam 1. suscepit, parem titulum Archiepiscopi abtinuit, eundem honorem probabiliter Photius Pseudopatriarcha aliis suis sectariis Largiri potuit. Immo non dubito quin tum ob facilitatem Græcorum in concedendis titulis honoris tum ab schismatis confusionem quilibet episcopus decorem potuisset Archiepiscopalem adipisci sed quæstio hic est de dignitate et jure metropolitico Gregorii Syracusani, qui nunquam usque adhuc Metropolita dictus, et si dictus de quo non convenit inter eruditos, titulus erat non enim habebat Ecclesias in quibus potuerit hoc jus exercere: in tota enim Sicilia

excepta Syracusa, et Tauromenio dominabantur Saraceni. Ita et ejus successor Theodorus Archiepiscopus non metropolita a Nicolao i. adpellatur, ita et Sofronius, qui martyr occubuit ultimus Syracusarum Archiepiscopus dictus anno 878. a Theodosio monacho in epist. de Excidio Syrac.

Deposito Zaccaria honor Archiepiscopalis a Photio concessus evanuit; nam Procopius, qui Thauromenitanam Ecclesiam regabat cum Saraceni Tauromenium expugnarunt, Episcopus appellatur a Joanne Diacono, qui ejusdem martyrii historiam tradit. De Messanensi Archiepiscopatu nullum argumentum, imo in octava Synodo invenitur Gregorius Episcopus Messinæ. Cæterum in Græcis Episcopatum dispositionibus Leonis, Nili et Andronici Tauromenitanus, et Messanensis ut Episcopi indicantur. Quoad Catanensem legitur in septima Synodo Theodorus Episcopus Cathanæ; si autem Photius salutaverit eum metropolitam parum refert quia titulus honoris erat, sicut et cæteri. Concludendum igitur i. hujusmodi titulos a Photio cæpisse,

et precarios fuisse, quippe quia a schismatico et deposito a concilio æcumenico Schismaticis indultos 2. nullum fuisse veri nominis metropolitam, et jus exercentem 3. Ecclesiam Siculam non defecisse usque ad Leonem Sapientem non enim schisma quatuor Episcoporum, quorum duo ad matrem redierunt in 8. Synodo, dici potest defectio totius Ecclesiæ.

§. 17.

Secunda
usque ad
Leonem
sapientem
usque

Tandem ventum ad Leonem Sapientem anno 886. Imperatorem salutatum cum jam mortuo Ignatio iterum sed perperam ad Patriarchatum Cnium revocatus esset Photius, et jam omnis Sicilia gerneret sub Saracenorum tyrannide. Ab hoc Imperatore et Photio cogitatum fuit civili politicæ ecclesiasticæ conformare; sicut enim constituta fuerat totius Imperii divisio, ac ipsorum Imperialis palatii officialium distributio, quam Caropalata tradidit de offic. Pal. Imp. penes script. Bizant. T. 16. eamdeam ordinarunt Patriarchatus, et subditarum Ecclesiarum descriptionem, ut magis

amplitudinem dignitatis, et ambitum Throni
 Cui supra ipsum Romanum ostenderent. Hac
 occasione Photius injuriarum memor et ultor
 Ecclesiam Siculam a Romana sejunxit sibi que
 subjecit: sub Leone igitur Sapiente, et Pho-
 tio Patriarcha publicata fuit Ecclesiarum thro-
 no Cno subditarum descriptio. Hæc sane
 quinque thrones Patriarchales exhibet Roma-
 num sive veteris Romæ, Cnrum sive Novæ
 Romæ Alexandrinum, Antiochenum, et Je-
 rosolimitanum. Omnis autem Patriarchatus
 ex pluribus provinciis unitis coalescebat, et
 juxta veteres, Diecesis appellabatur: singulis
 Provinciis præficiebantur Metropolitæ, quo-
 rum alii et cignitate et jurisdictione præ-
 stabant quia paræcias sive Episcopatus et E-
 piscopos suffraganeos habebant, alii tantum
 nomen et dignitatem metropolitæ obtinebant
 quibus nullus superat Episcopatus; imo eo
 processit græcus fastus, ut inter ipsos Episcopos,
 quosdam Archiepiscopos nominarint, qui medii
 inter Episcopos et Metropolitæ tituli tantum be-
 neficio permulterentur. Hisce expositis animad-
 vertendum est 1. separationem Ecclesiæ Sicu-
 7

lre a secundo Photii Patriarchatu capisse, et
 Leonis Sapientis auctoritate firmatum; nam
 nullum verbum ante mortem Ignatii; et in
 8. Synodo: imo in ipsis Ecclesiarum Ordini-
 bus a Leone dispositis legitur = nunc avulsi
 sunt = nunc Trono Cno subjecti = ex qui-
 bus verbis satis conjicitur aut Photium post
 annum 878, aut Leonem sibi subjecisse 2.
 hasce Ecclesias Siculas in ordinibus descriptas
 aut a Saracenis occupatas aut destructas pe-
 nitus, aut fictas omnino esse; earumque E-
 piscopos, quos Patriarcha eligebat ad osten-
 dendam auctoritatem titulares fuisse tanquam
 Episcopos in partibus infidelium. 3. In hisce
 dispositionibus unum Legi Metropolitam Sy-
 racusanum cujus omnes alios Episcopos suf-
 fraganeos, Catanensem Metropolitam honoris,
 cui nullus subjicitur thronus, nullum amplius
 Archiepiscopum: quod si in dispositione Leo-
 nis, quam retulit Joannes de Joanne ex Mi-
 ræo inveniatur inter Archiepiscopatus 17. lo-
 co Messanensis Ecclesia, nihil inferendum
 nam in ordinibus quos edidit P Goar et nos
 retulimus semel tantum reperitur 17 loco Me-

sene quæ non est sicula, nec inter Siculas posita; nostsa autem ibi ponitur inter suffraganeas Syracusani Metropolitæ.

§. 18.

Quid de
Leone
Thaumaturgo.

Denique ut claudam hanc ætatem si quis inquirat cur hic nullam fecerim mentionem S. Leonis Thaumaturgi, in cujus vita leguntur hæc verba = in Syracusarum Metropoli facile respondeam 1. Ætatem hujus Episcopi penitus incertam esse quamvis inveniantur alia verba = Imperatores nostri Leo et Constantinus = nam ipse Gaetanus T. 2. in notis ad vitam ejusdem num. 12. p. 7. quærit quinam fuerint Imperatores isti num Leo Isauricus, num Leo Porphyrogenitus an. 776, num Leo Sapiens an. 886. unaquæque opinio suam patitur difficultatem, et quidem non vixit certe sub Leone Sapiente quia Joseph Hymnographus, qui memoriam ejus celebravit antea vixit, seu circa tempora Nicænæ secundæ. Non sub Leone Isaurico, ut ex conjectura sustinet Hymnographus, nam sub

ipso martyr occubuit Jacobus Episcopus Catanensis, et quidem magnam partem habuisset Leo indensione fidei contra Iconoclastes si tunc vixisset, sed nulla mensio in ejus vita. Leo Isauricus ejusque Filius Constantinus ambo persecutores Ecclesiae regnarunt ab anno 717. ad an. 775. hujus Constantini Filius, Leonis Isaurici nepos fuit alter Leo qui regnavit ab anno 775. ad an. 780. et Filium quoque habuit ex uxore Irene Constantinum sub quo celebrata Synodus Nicæna secunda sub isto Leone ejusque filio Constantino Bollandus et Joannes de Joanne Cod. Dipl. vixisse credunt Leonem Thaumaturgum. Sed non intelligo quomodo Hymnographus qui circa idem tempus vixit, illius ætatem nesciverit ut conjiciendo Episcopum Catanensem ad Leonem Isauricum retraxerit. Attamen certum est ante Nicenum 2. vixisse. Quid igitur de Metropoleos titulo Syracusæ dato? Biographus magnam civitatem Metropolim græca emphasi appellavit; jam enim satis de Metropolitibus hujus ætatis diximus.

Ut autem tertiam ætatem absolvamus, quæ a Leone Sapiente progreditur usque ad Doxopatrium et Andronicos Imperatores quædam adnotanda supersunt de Metropolitâ Panhormiensi, de Theophane Cerameo Archiepiscopo Tauroinenii, de Nilo Doxopatrio. Saracenis in Siciliam irruentibus Episcopus Panhormitanus vel hic remansit, vel alio et non Constantinopolim cum aliis fugiit. Hinc nulla hujus Metropoliticæ dignitatis mentio, nec in Conciliis, nec in Græcis dispositionibus legitur, ex quo credit Pirrus, Episcopum Panormitanum nunquam ab Ecclesia Romana defecisse. Verum prope finem Saraceni Imperii, anno videlicet 1048. Panhormi Metropolitam invenio in Capitulis Confraternitatis Sanctæ Mariæ Neupactitessæ penes Joannium Dip. 248 = Memoriam faciemus nos Orthodoxorum nostrorum Regum, Sanctissimi Patriarchæ, Sacratissimi Metropolitanî nostri „quinam fuerit iste Metropolitâ nescimus, sed ex hisco constat græcum fuisse

Tertia
ætas u-
sque ad
Nortman-
nos.

Quid de
metropo-
lita pan-
hormita-
no Nico-
demus.

se, et Patriarchæ subditum, non est autem æque certum, Patriarcham Cnum Ecclesiam Panhormitanam constituisse Metropoliticam quia a Saracenis Panhormus erecta fuerat in Metropolim, aut potius Episcopos nostros emphasi quadam græca sibi ipsis tribuisse hoc nomen quia Episcopi Metropoliserant. Ratio dubitandi oritur ex eo quod Nilus Doxopatrius et Andronici in suis Episcoporum ordinibus hunc Metropolitanam neglexerint et inter Episcopos nominarint: quamvis fatendum Pontifices insequenti sæculo hanc sedem Metropoliticam dixisse. Narrat quoque Malaterranum. 45. penes Carsum Bibl. Sic. T. 1. Normannos Panhormum ingressos alium Archiepiscopum græcum Nicodemum nomine invenisse „ Archiepiscopum, qui ab impiis dejectus in paupere Ecclesia Sancti Ciriaci, quamvis timidus natione græcus cultum Christianæ Religionis pro posse exequabatur revocantes restituit „ Nicodemus igitur Archiepiscopus dicitur non metropolita sed utrumque nomen honoris tantum erat nullas enim sibi subditas habuit Ecclesias.

Eo circiter tempore incidit mentio Theopha-
nis Ceramei Tauromenii Archiepiscopi,
cujus eloquentissimas homilias in Dominicis
et festa anni græco - latinis Parisiis anno 1644
edidit Franciscus Scorsus adnotationibus illu-
stratas. Non me latet magna eruditorum con-
tentio quoad hujus præstantissimi Antistitis
ætatem. Scorsus eundem credit ac Grego-
rium Cerameum, et ad anno 870. ad an. 902
sub Basilio, et Leone Sapiente post etiam
captum a Saracenis Tauromenium vixisse.
Ab eo recessit Leo Allatius, ejusque levia
confutavit argumenta ac Theophanis ætatem
consignavit sub Rogerio Rege anno 1040: alii
Allatii opinionem amplectuntur: sed annum
corrigunt, Rogerius enim rex vixit in se-
quenti sæculo. Joannes de Joanne de div.
off. c. 10. §. 2. non signat annum sed lo-
quens de Nicodemo et Theophane hæc ha-
bet „ ambo sub Saracensorum tyrannide cru-
deliter ejecti; ambo sub Notmannorum prin-
cipatu piissime restituti: — nisi malis ad-

hærere Francisco Scorso,, litem igitur sub
 iudice reliquit. Ipse vero exploratum habeo
 non nono sed undecimo sæculo vixisse 1. quia
 Theophanes passim Metaphrastem synchronum
 Photio et Leoni velut se antiquiorem laudat
 2. quia Procopius Episcopus Tauromenii in
 excidio a Saracenis illato occubuit martyr 3.
 quia in inscriptione homiliæ in Dominica
 Palmarum legitur,, dicta est præsentē Rege
 Rogerio 4. Episcopus Tauromenitanus non
 vocatur a Leone Sapiente Archiepiscopus.
 Indubium quoque est non vixisse sub Roge-
 rio Rege, sive sæculo duodecimo: jam enim
 ab anno 1082. Tauromenium non amplius se-
 des Episcopalis immo a Rogerio Comite Epi-
 scopatui Troinensi adjectum, Pirrus. not. Ec-
 cl. Tr. Certum insuper est, Nortmannos Sici-
 liam expugnasse circa annum 1060, Tauro-
 menium cepisse anno 1078. ex Malaterra:
 ergo concludendum Theophanem aut regnas-
 se Tauromenii ab anno 1078, quo capta ci-
 vitas ad an. 1082. quo suppressus Episcopa-
 tus, aut potius, ut probabilius mihi videtur,
 sicut Nicodemum Panhormi sic Theophanem.

Tauromenii delituisse et adventu Notmannorum suæ Ecclesiæ restitutum a Rogerio Comite, quem græca emphasi et oratorum more Regem ut Imperatorem salutavit. V. Joannium loc. cit. Titulus autem Archiepiscopi, si etiam dabatur a Patriarchis, honoris tantum erat, nec in matricolis Ecclesiæ Cnæ ita notatus: nam nec a Doxopatrio, nec ab Andronicis inter Archiepiscopatus Tauromenitanus numeratur: sicut et Panormiensis.

§. 21.

Nilus
et Andro-
nici

Restat denique ut notitias Episcopatum a Nilo Doxopatrio et Andronicis Imperatoribus recenseamus. Fertur igitur quemdam Nilum Doxopatrium rogatum a Rogerio Rege libellum scripsisse de quinque thronis Patriarchalibus immo bis edidisse Episcopatum notitiam Sicilientium, quam in tabulis retulimus. Hunc libellum invenies græco latini penes Allatum de Cons. Ec. Or. et Occ. l. 1. c. 24. §. 1. a quo excerptimus hæc, quæ ad rem nostram faciunt, „ Sicilia autem uni-

versa unum Metropolitam habebat Syracusanum, reliquæ vero Siciliae Ecclesiae Syracusani erant Episcopatus etiam ipse Panormus, et Terma, et Cephaludium; et reliquæ... Sed et Catane ipsa antiquitus cum esset Episcopatus propter S. Leonem ejusdem Episcopum ab Imperatoribus ad Archiepiscopatum evecta est: quapropter nullum ipsa sub se Episcopatum habet, licet eadem in tacticis inter Sedes Constantinopolitano subjecta adnumeretur.... nihilominus Pontifex viles quasdam partes, et Episcopatus nonnullos in Sicilia, et Calabria habere deprehenditur.... Papam vero partes aliquas antea in Sicilia obtinuisse manifestum fit ex vita S. Gregorii Agrigentinarum urbis, quæ nunc Gergentinum dicitur, Episcopi: in ea siquidem scriptum est: Papam S. Gregorium Agrigentinarum Episcopum ordinasse, sed eo tempore Romanondum penitus separata erat a Constantinopoli: tenebat itaque multos ab hinc annos Constantinopolis ex parte et Siciliam et Calabriam et Papa paucula quedam quemadmodum et in Longobardia usque ad separa-

tionem: tunc enim separatus est ab his regionibus Papa usque ad Francorum adventum ut jam diximus „

Miror sane cur Scriptores tantam fidem adhibeant Græculo huic tam Romanæ Ecclesiæ infenso: nam non levia sunt suppositionis indicia, nec ea quæ refert fidem merentur: et 1. quidem non video cur notitiam Episcopatum ab eo postulaverit Rogerius Rex cum jam diu Ecclesia Sicula ad matrem redierat, et non Rogerius Comes cum adhuc essent Episcopi Græci Nicodemus et Theophanes et Clerus 2 non intelligo quomodo conciliari possit ævus 1040. quem præsefert ordo Episcoporum editus a Joanne de Joanne in Codice cum ætate Rogerii vel etiam Comitis cum Nortmanni non adhuc in Siciliam advenerint, et quomodo libellus scriptus fuerit ad Nortmannorum petitionem si in fine libelli dicitur „ explicuit hoc opus anno 1011 „ cum usque ad annum 1060 hic adhuc essent Saraceni. Si autem ad res quas ipse scripsit, attendamus videtur more græcorum duodecimi sæculi potissimum Balsamonis, su-

stinere Siciliam semper paruisse Græcis, et ab ipsis Pontifices abstulisse quod quam falsum sit ostendere otiosi hominis est. Manifeste tamen ex verbis ipsis erimus duas defectiones Ecclesiæ Siculæ: primam ante Gregorium 2. Agrigentinum alteram post francorum adventum sed hæc impudentissime scripsit: nam etiam si Gregorius non sub Gregorio Magno, sed sub Agatone vixerit: et vel quintæ vel sextæ Synodo interfuerit, semper certissimum est, tunc Ecclesiam Siculam Romæ suburbicariam fuisse adventu autem francorum ob pacta conventa cum Græcis Sicilia adjecta fuit Imperio Constantinopolitano, non Ecclesia Sicula Patriarchæ, ut hæc tenus demonstravimus. Crederem igitur auctorem istum quicumque fuerit post Nortmannos et reditum Ecclesiæ Siculæ ad Romanam Ecclesiam, scripsisse ariolando libellum de quinque Thronis Patriarcalibus et exemplar dispositionis Leonis Sapientis edidisse ut prætensa jura Ecclesiæ Byzantinæ vindicaret et virus acerbitalis suæ in Romanam Ecclesiam evomeret. Eodem animo E-

eteses et Ordines Episcopatum Siciliæ ediderunt Imperatores Antonionicus senior, et Junior eodemque odio inflammatus in Latinos scribebat circa ipsam ætatem Balsamon. Sed sane ridiculum est græcos adhuc veteres usurpationes, ut dicunt ita defendere cum jamdiu in Sicilia nova Ecclesia, novique Episcopatus reflouerint, novum regnum, et regimen, et disciplina, et jura alia fuerunt instituta.

§. 22.

His expositis juvenum utilitati consulentes breviter attingamus oportet propositum quæsitum num hoc ævo lingua, ritusque latinus defecerit, et græcus invaluerit, quod erudite pertractarunt Gaetanus in Isagog. et potissimum Joannius de div. off. c. 4. usque ad 10. Erepta a Gothis Sicilia, et a Belisario grecorum Imperio adjecta, et investis græcis magistratibus et præfectis, frequentior evasis græcorum in Siciliam, et Sicularum Constantinopolim commigratio: hinc facilis usus linguae græcæ et jam à Gregorio M. gens

Num græca lingua
et ritus.

Sicula græcissare cæperat, ut mulier quædam femineo fastu etiam græce ad ipsum Pontificem scripserit cui ille non respondit quia egre tulit timens ne forte Siculi græcanitatem inveherent in sacra: dein adeo invaluit per octavum sæculum, ut omnino desueverit latina lingua, et græcismus communis usque ad Nortmannos obtinuerit. Sed quamvis post Justinianum immutari cæpit lingua, non tamen et Grægorius Magnus, ejusque successores passi sunt sacra græce peragi: ideoque ritus, Psalmodia, lyurgia latina permansit. Stephanus Episcopus Siracusanus dicitur primus, qui ritum latinum in Græcum mutaverit. Sed quamnam fidem mereatur Codex membranceus Ecclesiæ Siracusanæ omitto inquirere. Ipse crederem nunc in unam nunc in aliam Ecclesiam paulatim inductum fuisse, donec facta divisione inter Carolum M. et Palæologum Imperatorem, Psalmodia, lyurgia, ritus græcus obtinere. Sed animadvertendum est cum Joanne de Joanne l. 9. sacra Siculorum officia quamvis græca non juxta ordinem Cæcum composita fuisse sed formam Ec-

clesiæ nostræ propriam retinuisse et græco-Sicula dicenda.

§ 23.

Si disciplinam quoque græco-Siculam dixerimus, remanet semper difficultas inquirendi, quinam fuerint articuli vel disciplinæ, vel praxis Ecclesiæ Cnæ in Siciliam invec-
percurramus igitur periodos hujus ætatis. Incipiendo igitur a Gregorio confirmatam legimus veterem Romanam disciplinam in Sicilia, excepta quadam præxi peculiari ac propria cujuscumque Ecclesiæ. Sub successoribus Pontificibus, et synodis habitis ab Agatone et Martino 1. quibus Episcopi Siculi interfuere suffraganei certum videtur non potuisse mutari disciplinam pertotum 7. sæculum Quæstio igitur est num post Leonem Isauricum cum græco ritu, græca quoque omnis disciplina invaluerit. Joanniùs in diss. ad calcem cod. de Bapt. num. 8. et de div. off. sub nomine ritus complectens omnem disciplinam sustinet post Isauricum regimen, ritum linguam, et

Num
etiam
græca di-
sciplina

disciplinam mutatam fuisse; sed nullum affert quoad hanc ætatem argumentum nisi conjecturam ex secessione Ecclesiæ Siculæ, quam ipse sustinet et ex vetito fermentato, et baptismatis collatione in Epiphania sub Nortmannis, sed si datur locus conjecturis dicerem sueta in tantum virum reverentia ex hisce non evidenter inferri disciplinam octavi et noni sæculi nam hæc respiciunt postremam Saracenorum ætatem cum jam firmatum erat schisma post Michaeleni Cerularium; et jam orientales exacerabantur azymum, et Romani prohibebant fermentatum Latinis præbiteris: hinc merito Nortmanni ex timore schismaticorum erroris, quia Pontificibus erant addicti, illam praxin vetuerunt. Sed nos loquimur de 8 et 9 sæculo, in quibus mutatio disciplinæ siculæ non solum probari nequit, sed probabiliter, sætem quoad majorem partem Ecclesiarum, eadem perduravit: probari non potest 1. quia nullum adest positivum argumentum 2. quia non adhuc per id temporis magnum erat discrimen

utriusque Ecclesie disciplinæ; communis enim erat latinis Græcisque trina immersio in baptismo, communis impositio manuum, nec adhuc apud latinos inducta forma signo te signo crucis in chrismate, nec porrectio instrumentorum in ordinibus, par forma præbiterij eadem bonorum distributio, nec adhuc præbiteri vagi, nec beneficia orta; nec potestas jurisdictionis ab ordine distincta, et alia hujusmodi quæ satis ostendunt mutationem disciplinæ probari non posse, quia parum discriminis in utraque Ecclesia. Quod si urgeas usum fermentati et praxin baptismatis in vigilia Epiphaniæ; scias velim neque ex his probari posse mutationem; nam hoc ævo quamvis apud græcos fuerit usus fermentati frequentior, et azymi apud latinos, non tamen adhuc erat prohibitio in utraque Ecclesia vel azymi, vel fermenti, quæ est sanior opinio inter tot Eruditorum sententias, quoad eorum veterem usum in utraque Ecclesia. Igitur si adhibuerint sicali fermentum nescimus, quia desunt monumenta:

et si adhiuerint non est indicium mutatae disciplinae. Imo ipse Photius, qui non omisit levissima quaedam latinis obijcere nullam unquam fecit de azymis mentionem „ quia omnino „ inquit Card. Bona l. 1. de rebus liturg. c. 23. indifferens credidit azymo aut fermentato uti cum uterque sit panis „ Nec aliquid inferendum ex baptismo in Epiphaniae pervigilio : nam iste ritus est , et si vigerint hocævo igneratur ; imo Ecclesia Siacula non adoptavit ritum omnino Cnum, sed græco Siculum sibi efformavit .

Illud præ cæteris latinæ in græcam disciplinae mutationem probaret si clericorum cælibatum , cui erant siculi adstricti , abrogaverint et praxin matrimonii Orientalium amplexati fuerint. Sed tantæ mutationis nulla mentio occurrit neque inscriptoribus nostris hujus temporis , nec in Nicæna sæcunda , nec in 8. Synodo , nec in epistolis Adriani 1. et Nicolai 1. nec denique in causa Gregorii Asbestæ , et Zaccariæ depositionis : et certe quidem et Episcopi Sanctissimi qui

depositis snffecti fuere a Concilio cum placitu Pontificis, et omnes alii qui Photio non adhererunt a vetustis moribus non recesserant Novitates igitur si quæ fuerint in ultimam Saracenorum epocham rejiciendæ sunt.

§ 24

Sic quoque evanescit vana formido et omnis sollicitudo nostrorum scriptorum iuquirendi; num occasione schismatis photiani Græcorum errores in Ecclesiam nostram irrepserint. Nam 1. Photius prima tantum jecit fundamenta illius schismatis, quod sub Cerulario recrudit ac pene firmatum est, et absonum est asserere, Orientales qui in Synodo 8 Cna 4 Photium deposuerant erroribus infectos. 2 Photius non omnem ad se traxit siculam Ecclesiam, nec omnes Episcopos, sed quatuor tantum, quorum duo pœnitentes a Synodo absoluti fuere, et ipsi Romanæ Ecclesiæ reconciliati: nec Gregorius Asbesta ab Ignatio, et a Romanis pontificibus, nec

Nam
Græco-
rum er-
rores

ipse, et Zaccharias Tauromenitanus depositi
a concilio quia hæretici, sed quia pertinaci-
ter schismatico Photio adhærebant. 3 schis-
maticorum errores, quos primum Allatus Diss.
de rebus Ecc. Græc. ex Triodio collegit, dein
Combefis Bibl. PP. concion T. 1 verbo Gre-
gorius Cerameus, postmodum Franciscus Scor-
sus præm. § 81 in hom. Teophanis Cera-
mei, postremo Joannes de Joanne de div.
off. c 11 non equidem pestinent ad hanc E-
tatem, neque quoad Siciliam, neque quoad
ipsam Ecclesiam græcam: non quoad nos,
quia nostri Episcopi fidem avitam in 8 Sy-
nodo professi sunt, et post Synodum sub
Saracenis sanguine obsignarunt, sub obbe-
dientia Rom. Pontificis: non quoad Orien-
tales, quia catholici cum catholicis Latinis
Ecumenicam Synodum sive 4 Cnam cele-
brarunt adversus schismaticos et hæreticos
et post hanc Synodum initia fuere schis-
matis, et pauci errores photiani. Photius
enim Patriarchatui universali inhians Rom.
pontificem et latinam Ecclesiam conatus est

diffamare 1 quia Symbolo particulam filio-
que addiderat 2 quia ejunat in sabbathis 3
quia lacticinia permittit in quadragesima 4
quia cœlibatum colit: verum post Photium
schisma et errores usque ad Cerularium eva-
nuere. Niceta apud Baronium ad hunc an-
num Sub Cerulario post 10. Sæculum non om-
nes recensiti errores ex Triodio irrepserunt
sed paulatim invaluerunt in sequentibus sæ-
culis usque ad Gregorium Palamam et Trio-
dio adjecti Quid igitur hic quæritur in Si-
cilia de erroribus, qui post sæcula Ori-
entales infecerunt?

A P P E N D I X

Ætas Saracenica

§ 25

Horrendo in Siciliam Saracenorum in-
cursu Ecclesiæ, munasteria, pluresque civi-
tates eversæ ac succensæ. Episcopi, quas

Status
Ecclesiæ }
Siculæ: |
sub Sa-
racenis

fuga non servaverat, aut ferro trucidati, aut aerumnis confecti oppetiere, et Ecclesia Sicula, que ab exordio religionis florentissima semper fuerat miserrima servitute oppressa ita siluit, ut creditum a nonnullis religionem per id temporis in Sicilia extinctam; cruenta siquidem Saracenorum irruptio omnibus rebus minabatur excidium et furentis multitudinis sævities ingentem martyrum numerum cujuscumque ordinis et sexus Ecclesiæ peperit; inter quos præcipua laude memorantur Sofronius Archiepiscopus Syracusanus et Procopius Tauromenii Episcopus V. Diss. 9 Joannii ad Calcem Cod. Dipl:

§ 26

Stetit
Religio

In hoc Insulæ miserandæ statu qui per tria pæne sæcula perduravit, num actum sit de Sicula Ecclesia inquirendum. Sed ex paucis monumentis, quæ ex tanto naufragio supersunt, et ex illis; quæ sub Nortmannorum iniitiis leguntur, compertum habemus

non penitus religionem exulasse; immo adhuc post magnum excidium quædam super-
fuisse ornatissimæ Ecclesiæ vestigia. Et quam-
vis sub initio barbarorum incursus omnis cul-
tus divinus, ut assolet, in summis rerum an-
gustiis, interruptus, ac penitus profligatus
visus fuerit; attamen semper stetit religio et
si timida, et occulta usque dum anno 1027
Meleuta Saracenorum Rex liberum Religionis
exercitium indulsit. Quod autem, et patriam
fidem extitisset per omnem hanc ætatem, et
quoddam Regiminis Ecclesiastici, ac discipli-
næ specimen, prout tempora ferebant claris-
sima suadent argumenta.

§. 27

Primo successio quædam Episcopalis,
quæ toti Siciliæ non defuit, et si in aliqui-
bus Ecclesiis defecerit: legimus enim penes
Anonymum Scriptorem Cronici Saraceni Si-
culi an. 927 ab inducias constitutas inter Ca-
labros, et Saracenos datum obsidem Leonem
Episcopum Siculum. Sic quoque invenitur

Successio
Episco-
palis,

Decreto Sisinnii Patriarchæ Cui anno ex Pirro. 994 subscriptus Leo Metropolita Catanensis. In Capitulis Confraternitatis S. Mariæ Neopactitessæ sacratissimi nostri Metropolitæ Panhormitani fit mentio anno 1048. Normanni Nicodemum invenerunt Archiepiscopum Panhormiensem ex Malaterna anno 1071 Memoratur etiam Humbertus Archiepiscopus Siculus in Concilio Romano anno 1049 quem S. Leo 9. uti testatur Lanfrancus,, de Lotharingia traduxit, et ad prædicandum Siculis verbum Dei Archiepiscopum ordinavit,, certum ipsum hic parum immoratum fuisse; nuni autem noster Episcopus incertum Cantelius de ipso hæc habet,, Humbertum et pictate, et doctrina, et in rebus gerendis prudentia perillustrem sibi vindicant Panormitani: constat quidem a Leone 9. missum in Siciliam, et Archiepiscopum fuisse; cujus sedis incertum est: fidei prædicandæ causa in Siciliam missum suspicor, mox revocatum Romam, ubi gravissimis perfunctus muneribus legationem ad gærcos obiit,, Diss. 5. de Sicilia c. 5. n. 3. ipsa denique Nicodemi

etate Ecclesiam Siculam illustravit Theophanes Cerameus, qui et sub Saracenis, et sub Nortmannis vixit Archiepiscopus Tauromenii, cujus illud memoratu dignum est, quod in homilia coram Rogerio habita legitur, quatenus multimodis festum pius Imperator exornat et sua præsentia, et Archiepiscoporum adventu, plures igitur tunc erat in Sicilia Archiepiscopi; nisi potius vox quam Scorsus traduxit Archiepiscoporum vertenda Archiepiscoporum sive seniorum cleri.

§. 28.

Cur autem omnes hujus tempestatis Episcopi dicuntur vicissim et Archiepiscopi et Metropolitae? nisi quia tunc græco more unus pro altero titulo honoris gratia substituebatur; vel quia Patriarchæ mittentes in Siciliam Episcopos, ut sibi eos magis divincerent, honorificis titulis decorabant: non enim scimus, nec probare possumus suffraganeas sibi Ecclesias habuisse. Sed quis scit num isti qui memorantur Archiepiscopi, et Me-

Cur isti-
Episcopi
Metropo-
litae

tropolitæ sub tanto Saracenorum jugo, ob-
 difficillimum accessum et ad Pontificem, et
 ad Patriarcam Cnum facultatibus extraordi-
 nariis aucti essent: ut etiam pro temporum,
 et fidelium necessitate alios Episcopos consa-
 crandi potestate pollerent, ne forte successio
 Episcopalis inopinato cessaret? nec possumus
 explicare quomodo si fuerint isti Metropolitæ
 eorumque Ecclesiæ tali vel dignitate vel ho-
 nore a Patriarchis Cnis insigniti, a postero-
 ribus Nili et Andronici dispositionibus inter
 Episcopos recenseantur juxta aveterem Leonis
 Sapientis Episcopatum descriptionem?

§. 29.

Forma
 Præbiterii

Si perstitit successio Episcopalis perman-
 sit quoque Clerus sive quædam præbiterii
 forma: Id satis innuit Malaterra loquens de
 Nicodemo „ cultum Christianæ Religionis pro
 posse exequebatur „ nam sine Clero hoc fie-
 ri non poterat, Clarius ipse Theophanes in
 verbis supra allatis „ Archipræbiterorum ad-
 ventu „ clarissime capitula Confraternitatis S.

Mariæ Neopactitessæ quibus plures subscribuntur Sacerdotes, et Præbiter sacriferorum, et Cantor.

Usus Sacramentorum, et cultus publicus

Præbiterii existentiam et publicam vel privatam christianæ religionis professionem ostendunt et usus sacramentorum et sollemnis cultus Dei et Deiparæ. Conradus Domenicanus in Cronica ad annum 1027 de Rege Meleuta hæc habet „ concessit Siculis Christianis ut audirent divina palam, et Secerdotibus ut portarent Corpus Cristi ad infirmos „ ex hoc testimonio deducitur 1. publica missarum celebratio ideoque Eucharistiæ communio 2. publica Ss. Viatici processio ideoque extremæ unctionis infirmis collatio 3. si nunc palam hæc fieri indultum ergo antea occulte omnia sacra peragebantur 4. si hæc fidelibus et præbiteris existentibus Meleuta indulsit prius igitur baptisma, confirmatio, et sacra ordinatio occulte administrabantur. Denique in Capitulis S. Mariæ Neopachtessæ rem Christianam in Sicilia auctam legimus, et templi patentia, et liberum cultum Dei et Deiparæ ut sollemnitates processionum, et stationes, et

fidelium conventus statutis diebus, et publicam missarum celebrationem præsesque pro Orthodoxis Regibus Patriarcha, et Metropolitae, pro vivis et defunctis. Hoc autem Religionis exercitium sive publicum sive occultum ipso sæculo decimo vixisse ex ipsis Capitulis arguitur, non parum institerunt Antecessores nostri, ut simul convenirent, et locum constituerent sacrum ad efficiendum illum custodem perpetuum sacri cætus, si ergo anno 1048 ita scribitur ergo ab antiquo cultus religionis agebatur. Sed inter tot christianæ pietatis, et Orthodoxiæ documenta nulla suspicandi ratio animum impellit ad inquirendum num Schismatici Orientales errores suos in Siciliam invexerint. Sed sicut quæsitum magnorum virorum de quo dixisse memini, ad Episcopos Siculos tantum hujus ætatis pertinere potest, ideo pauca subnectimus.

Num Ec-
clesia et
Episcopi
Siculi
Schis-
maticis in-
fecti erro-
ribus

§. 31.

Michael Cerularius Patriarcha Cnusus ab
anno 1043 ad an. 1058 Schisma Photianum

renovavit auxitque pari superbientis animi consilio ut universalem Patriarchatum sibi pararet : hinc epistolam misit etiam ad Tranensem Episcopum in Apulia, aliasque nonnullas, in quibus calumnias in latinos tanquam judaizantes evomuit. Errores autem quorum Romanam Ecclesiam incusat hinc redeunt : quia 1. ejunat in sabbathis quadragesimæ 2. et in ipsa non canit Alleluja : 3. quia vescitur laticiniis sanguine, et suffocato 4 quia utitur asimis cum Christus fermentatum adhibuerit quapropter latinos hæreticos Azymitas vocat. 5. quia simbolo particulam filioque addiderit. Tantæ temeritatis et ambitionis hominis errores confutandi provinciam Leo nonus mandavit Cardinali Umberto, qui et Constantinopolim se contulit, et scriptis, et voce Cerularium, Nicetam Monacum, et asseclas confutavit et compescuit V. fleurium ad an. 1053 et 1054. Hisce expositis adnotare duxi 1. usque ad Michaellem Cerularium nullam quoad Episcopos Siculos Schismatis suspicionem 2. Umbertum, priusquam se Constantinopolim conferret, in Sicilia duos saltem

annos fuisse et tamen nullam in epistolis suis polemicis mentionem facit de hisce erroribus in Siciliam immisis 3 Cærolarii errorem non in eo fuisse quod uteretur fermento, sed quod azimum materiam non aptam sacramento crediderit, et latinos azymitas vocaverit hæreticos: quamvis postea in epistola ad Patriarcham Antiochenum se tantum sollicitum ostenderet de particula filioque, et quæstionem de azymis, sicut olim Photius, adia-phoram judicaret.

4. Num Episcopi, et præbiteri Græco-Siculi undecimi sæculi consecraverint infermento incertum est, et si consecraverint hoc erat ex vetusto more Siculo græco non vetito, nec indicium erat adversisse Cærolario, qui azymum damnabat de quo nullum argumentum quoad Siculos. Documentum autem quod refert Joannius de div. offic. c. 12 de usu fermentati in Sicilia sub Rogerio Comite conjecturam redolet, quia Siculi Episcopi erant græci. Sed revera ad Siciliam non pertinet, et ut clarius pateat, integrum referam. „ Idem Apostolicus (Urbanus 2:) ante paucos dies

Alexium Imperatorem Constantinopolitanum per Nicolaum Abbatem Cryptæ ferratæ et Rogerium Diaconum conveniens paterna increpatione commonuerat: quod Christianis latinis, qui in sua provincia morabantur azymo immolari interdixerat: præcipiens in sacrificiis more græcorum fermentato uti (ex errore Cerularii) quod nostra religio omnino non habet Imperator vero increpationem ejus humiliter suscipiens invitat eum ut veniens congregato Concilio Cno disputatio fieret . . . Unaque Ecclesia unum morem teneret,, Malaterra l. 4. num. 13. penes Carusum T. 1. pag. 234. 5 Denique hac ætate vixit Theophanes Cerameus inter omnes Episcopos græco Siculos et ingenio et eloquentia præstantissimus, cujus adhuc extant homiliæ ex quibus possent si quæ irrepserint novitates in notescere. Attamen Franciscus Scorsus, qui edidit ejus homilias cum suis adnotationibus, enumerat catholicæ doctrinæ capita in illis exposita vel antiquis vel recensioribus Schismaticis opposita adeo ut nec Schismatici nec Calvinistæ quidpiam proficere possint ex Theo-

phanis auctoritate,, De Sacrosanto Missæ Missæ sacrificio; de honore et invocatione Sanctorum, de adoratione Imaginum, ac præcipue Sanctæ Crucis de libero arbitrio; de fide cum bonis operibus conjungenda; de iisdem operibus, quæ grazia divina subnixam vitam promerentur æternam, de jejunio Ecclesiastico præsertim Sanctæ Quadragesimæ, de pænitiæ sacramento, et confessione auriculari, de primatu Sancti Petri et Rom. Ecclesiæ, de ejusdem auctoritate in suis decisionibus... quoad autem ad duos græcorum errores jam in Concilio Florentino damnatos. de processione Spiritus Sancti a Patre et Filio, et de animarum ante diem judicii beatitudine, nihil est in homiliis Theophanis... quod illos manifeste contineat: neque quod ad tuendos errores illos deduci aperte possit, quin etiam sunt dicta nonnulla, ex quibus catholica dogmata confirmari possint., Proæm. 5; §. 1. quamvis, ut ipse Scorsus ibidem animadvertit, quaedam ex ipsis dogmata non adhuc essent ab Ecclesia definita ipsius ætate.

Stetit igitur religio, stetit intemerata fides, et forma quaedam pro temporum angustis, disciplinae. Agedum ad illam properamus aetatem Nortmannorum, sub quibus caput extulit Insula, et Ecclesia Sicula amplitudine sua suisque reddita initiis gloriosius relloruit.

FINIS.

AIT 1317223





